

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

32 pes

Namba 959

Wik i stat long Fonde, Novemba 19, 1992.

40 toea

## INSAIT *long* NIUS

- Ol meri joinim ami...p3
- Viles Sevis/kiap wankain..p4
- Isten Hailans spakbrus..p5
- Kimbe sot long marasin...p7
- Ol APO kisim pe...p9
- Wok kamap long 52 rot na bris long '93 baset...p2
- Wingti autim as bilong go Bogenvil...p2

Ol ripot bilong palamen kibung...p2

## K100,000 bilong ol EDF mani stap yet

HARLYNE JOKU I raitim

BASET bilong 1993 i soim olsem ol nesanel memba bai kisim yet ol ekstra mani bilong ol. Dispela i kamap maski bihain long ol i rausim dispela K100,000 EDP mani bilong ol nesanel memba.

Wanpela gutpela piksa bilong dispela em long Dipatmen bilong

Trenspot. Ol i kisim K116 milien. Na insait long dispela mani, K23.8 milien i go long wok biong Rurel Trenspot Developmen Maket. Long 1992, ol i bin kisim tasol K3 milien. Na long dispela yia, em i go antap olgeta long K23.8 milien.

Dispela K23 milien i bilong givim olsem helpim mani i go long ol grup na wan wan man bilong mekim ol i go moa long pes 2



*Amamasim ol disebel...* Ol pikinini husat em ol lek na han bilong ol i no gutpela i bin amamas tru long lukim ol lain bilong X-Tensions pawa ben i pilai long Sarere apinun. Dispela bung bilong ol i bin kamap ausait long opis bilong Australia Hai Komisen long Mosbi.

# GRASRUT INAP KISIM TAIM

MESERY GUBAG I raitim

OL grasrut man na meri long Papua Niugini bai kisim taim sapos tingting bilong gavman long wok bisnis i no karim kaikai. Bikos 1993 baset i bilong ol bisnisman.

Dispela bai kamap bikos taim ol bisnis i no wok na no gat gutpela senis i kamap, gavman bai apim ol takis bilong ol kaikai na sevis nabaut.

Na ol pipel bai painim hat long dispela rot. Ol lain husat bai wokim

...bikos 1993 baset i bilong helpim tasol ol bisnisman

moa mani insait long dispela 1993 baset em ol bisnisman na ol kampani. Bikos gavman i rausim na daunim nau ol kain kain takis em i save sasim ol long en.

Dispela em hap tok bilong ol saveman bilong wok bisnis (Ekonomiks) husat i tis long Yunivesiti bilong Papua Niugini long Mosbi.

Ol dispela lain i bin makim maus bilong UPNG long Mande na autim tingting bilong ol long 1993 baset.

Oltisa ya em bos bilong Ekonomiks dipatmen, Dokta H.G Mannur, Dokta John Asafu Adjaye, Billy Manoka, Joshua Kalinoe na Nao Badui. Ol i tok dispela baset i gutpela tasol planti samting i stap long han bilong ol bisnis.

Sapos ol bisnis i gutpela, ol i ken wokim winmani na putim gen mani insait long kantri. Na dispela bai givim moa wok long ol pipel long kantri. Sapos nogat, ol bai kisim mani bilong ol i go putim long ol


wok ausait long kantri. Bikos gavman i oraitim ol kampani long wok fri insait long kantri wantaim K500,000. Tasol ol inap giaman na salim mani i go long ovasis na na tok olsem ol i no wokim winmani. Na ol i no ken baim takis insait long taim ol i wok long PNG.

Dokta Adjaye i tok i tru olsem gavman i katim takis bilong planti samting. Tasol no gat man i save sapos ol stua bai daunim prais bilong ol samting o nogat. Na tu no

gat man i save sapos ol kampani bai putim gen mani long kantri bihain long ol i wokim winmani long ol bisnis bilong ol i stap hia. Mista Kalinoe i tok i tru olsem moa mani bai go long poket bilong ol pipel, tasol dispela i no inap kamapim bikipela senis long bringim gutpela sindaun long ol grasrut pipel.

Em i tok tu olsem dispela baset i abrusim wanpela bikipela samting

i go moa long pes 2



## TOYOTA HILUX... NAMBA WAN TRU LONG PAPUA NIUGINI

STRONGPELA 4 WIL DRAIV  
2800cc DISIL PAWA...EM NAU!



## Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367



Ol ripot bilong palamen kibung ..... wantaim MESERY GUBAG

# Bil bilong bringim bek EDF kisim moa sapot

PLANTI memba long palamen i sapotim mosen bilong Memba bilong Maprik Sir Pita Lus long Trinde Novemba 11, long bringim bek Ilektrik Dvelopmen Fan (EDF), na apim i go long K1 milien.

Gavman bilong Praim Minista Paias Wingti i bin rausim dispela EDF long baset bilong 1993. Olsem na ol memba bai i no inap long kisim dispela mani.

Mosen bilong Sir Pita i tok olsem wanpela oge-naisesen ol i kolim Ilektrik Dvelopmen Atoriti bai lukautim K800,000 na ol memba yet i ken holim K200,000. Na dispela atoriti bai go het long oraitim ol projek insait long ol ilektoret long mekim ol wok.

Em i tok sapos palamen i orait long dispela, em bai helpim ol pipel gut tru. "Mi laik tokim palamen

olsem yumi ken kamapim planti beng o ogenaisesen. Tasol olgeta i no inap wok gut.

"Dispela EDF i bin helpim planti pipel. Olsem na mi laikim gavman long bringim bek EDF na apim long K100,000 i go long K1 milien. Long bipo i kam nau, yumi i no bin helpim ol pipel bilong yumi gut. Olsem na nau mi laikim olgeta memba long sapotim mi na oraitim dispela mosen.

Bihainim dispela tok bilong Sir Pita long Novemba 11, planti arapela memba i sapotim tok bilong em long bringim bek EDF na apim i go long K1 milien. Ol i tok dispela muv bilong gavman long rausim dispela EDF i no gutpela.

Dispela mosen bilong Sir Pita i kisim sapot bilong ol memba long tupela sait wantaim bilong palamen. Na nau ol i toktok yet long dispela mosen.

Wingti autim as bilong go lukluk raun long Bogenvil

PRAIM Minista Paias Wingti i go pinis long Not Solomon provins long mekim wanpela lukluk raun long Fonde Novemba 19.

Na taim em i stap long hap, em bai miting wantaim ol sief bilong Buka. Mista Wingti i tok: "Mi laik tokim olgeta pipel bilong Papua Niugini olsem gavman i gat bikipela tingting long stretim dispela hevi.

"Na mi laik go long Bogenvil long lukim long ai bilong mi yet, ol samting nau i kamap long hap. Mi bai tokim ol dispela rebel paitman bilong BRA olsem dispela pait bilong ol i. no gat kaikai bilong em.

"Na ol i mas lusim dispela pasin na givim ol yet i go long han bilong gavman. Mi laik tok olsem mipela bai i no inap long larim ol o wanem man long bruk lusim PNG long kamap independen.

"Foapela yia i go pinis. Na ol pipel bilong PNG long NSP i no lukim han o kisim helpim long gavman. I tru olsem ol i bin sainim ol agrimen nabaut. Tasol dispela ol samting i bin kamap nating. "Gavman bilong mi i luksave long dispela na kamapim ministri bilong Bogenvil long lukautim ol pipel long hap. Na givim wanpela baset bilong em yet.

"Na nau mi olsem het bilong gavman bai bung wantaim ol lokal sief long Bogenvil na toktok wantaim ol. Mi tingting long mekim dispela raun bilong mi olsem stat bilong rot i go long stretim dispela hevi. Bikos dispela hevi-i daunim nem bilong yumi olsem wanpela Melanesian kantri," Wingti i tok.

# PLIS RIPOT



**MOSBI:** Tupela hotel long Mosbi i bin lusim bikipela mani long han bilong ol stilman. Bos bilong ol plisman long Mosbi siti, Sam Inguba i tok long Fraide Novemba 15, ol stilman i bin go long Boroko hotel na hensapim ol wokman. Ol stilman i karamapim pes na hensapim duti menasa wantaim wokman bilong em long gan. Ol i askim Hotel menasa long opim sef na ranawe wantaim mani. Ol i no luksave long pes bilong ol stilman Dispela ol lain i bin yusim wanpela ka na ranawe. Narapela trabel i bin kamap long Islander Hotel long Waigani long Mande apinun. Foapela raskol i bin hensapim wanpela wokman bilong PNG Armoured Gad wantaim pistol. Ol raskol i hensapim dispela sekjurit man na kisim mani long em.

**WEWAK:** Plis i painimaut long tupela stil pasin em i bin kamap long Sepik haiwe long dispela wik. Long dispela wik Mande, 6-pela man i pasim wanpela PMV ka na stilim kago na mani bilong ol pasindia. Ol i bin stapim draiva, tasol draiva i no stap. Ol raskol i sut long gan na pre-tim draiva long stap.

Long narapela trabel long Tunde, ol raskol i stapim wanpela PMV ka long maunten Patsi. Dispela PMV i bin ran long Wasera na i laik go long Wewak taun. Plis ripot i tok, tripela man i bin haitim pes, na i holim gan na stapim ka. Taim ka i stap, narapela tripela ken i kam ausait long bus na tokim olgeta pasindia long go ausait. Ol raskol i kisim K600 na ol arapela samting em i kos moa long K1,000. Ol plis man husat i patrol long haiwe i bin kamap 5-pela minit bihain. Ol i traim long painim ol dispela lain tasol ol i no painim Provinsal Plis Komanda, John Wakon ting sem grup tasol i mekim dispela trabel. Bikos pasin ol i wokim long stil i wankain.

**RABAU:** Plis i kisim pinis tupela bokis bilong ol lain long Pomio husat i save wok bembe. Is Nu Briten Plis Komanda, John Toguata wantaim wanpela gavman opisa, Hosea Turburat i bin go long Pomio bihainim sampela komplem em ol pipel long ples i givim. Taim em i kam bek long Rabaul, em i opim bokis long lukim wanem ol samting i stap insait. Ol pipel i bilip olsem dispela bokis i gat planti milien kina. Tasol taim em i opim, em i painim ol ston, hap plastik, laplap, skin bilong diwai, na ol skin pas wantaim nem bilong ol man na namba bilong mani ol i raitim.

Plis i bilip planti arapela lain i gat ol kain bokis olsem. Ol pipel i bilip olsem bihain long 1992 Jun ileksen, dispela ol bokis bai pulap long mani. Tasol planti i no painim mani long ol dispela bokis. Na sutim tok i go long nesene ministia bilong Helt, Francis Koimaanrea na Alois Koki long giamanim ol.

**VANIMO:** Plis i sasim pinis ol soldia husat i bin kamapim bagarap long ples Lido long las mun. Samting olsem 21 soldia i bin kamap long Vanimo distrik kot long sas bilong bagarapim ol samting long ples. Long dispela taim yet, kot i bin srukim taim bilong harim kot bilong 5-pela yangpela man Lido i go long Desemba 8.

Dispela ol man i tokim kot olsem ol i no paitim wanpela soldia. Kot i painim dispela 21 soldia i rong long 13 sas na 5-pela ol i no rong. Kot i askim ol long baim K200 kot fain, na wanwan bilong ol i mas bai K150 olsem kompensesen i go long ol pipel bilong ples. Kot i askim ol tu long stretim ol samting long ples em ol i bin bagarapim.

**WEWAK:** Plis i wok long painimaut long wanpela stil pasin em i bin kamap long ples Mata-pau long Aitape, las wik Fraide. Plis ripot i soim olsem 4-pela raskol i bin hensapim draiva wantaim boskru long gan long ples Mata-pau.

Dispela tupela man i bin kisim ol kago bilong stua i go long ples taim dispela birua i kamap. Ol raskol i stilim ka bilong tupela na ranawe wantaim K260, na ol samting bilong stua i kos moa long K1,000.

Ol i lusim dispela ka long ples Balam na ranawe olgeta.

## Moa manmeri greduet long Nesenel Weta kole

NAMBA wan greduesen bilong ol lain long Mitiorojikel Obsevas i bin kamap long hetk-wata bilong ol long Mosbi las wik.

Dispela ol lain i save lukautim wok bilong tokaut long san, ren na win long kantri. Na dispela ol ripot bilong ol i save givim bikipela helpim tru long ron bilong ol balus, sip, ol liklik bot na ol arapela bikipela wok didiman na ol kain samting olsem.

Dispela em i namba tu kos. Namba wan kain kos olsem i bin kamap long 1981. Na long dispela taim i kam inap nau, ol i no bin kisim ol nupela man bilong wok long Nesenel Weta Opis.

Wanem samting ol i mekim em long skulim na helpim ol dispela lain ol i gat long en.

Olsem na namel long dispela 10-pela yia, ol i bin salim ol wokman i go kisim moa save na

ekspiriens long ol ovasis kantri olsem long Ingran, Ijip, Nu Silan na Australaia.



• Sir Henry ToRobert i toktok long ol sumatin na tisa bilong Divain Wod Institut long Madang long las wik Fraide taim 67 sumatin i greduet na kisim settifiket bilong ol.

## Wok kamap long 52 rot na bris aninit long 1993 baset

GAVMAN insait long 1993 baset i orait long kamapim sampela wok bilong rot na bris insait long ol provins.

Namba bilong dispela olgeta wok i klostu long 52 olgeta. Na ol bai kos klostu long K60,000. Dispela ol projek i kam anini long 4-pela program.

Hia em ol rot we gavman i putim mani long wokim bikos ol i kam aninit long lukaut bilong em: Brown River-Keimaui, Vanimo- Green Riva, Kep Rodney-Babaguina, Wewak-Hawain, Ivule-Silanga, Kavieng-Fangalawa, Magi haiwe Stet 3 na 4, Passam-Toanumbu, Togoba-lalibu, Umsis-Mumeng, Lorengau-

Momote, Bereina-Malalaua, Rigo-Kwikila-Kemp Wetch, Juave-Westen Hailans boda, Kasam Pas, NCD, Kanabea-Kaintiba, Koroba-Kupiago, Bundi, Karamui, Mendi-Twalamanda, Alotau-Gurney, Rigo-Hula, Galp-Sauten Hailans rot, Lae, lalibu-Mendi.

Ol bris insait long kantri we gavman bai wokim insait long ol nesene projek em: Uriri, Gilagil, Awar, Henderson, Wanana, Boi, Loloba, Fisoa, Mayana na Nou, Mamegol Is Wes, Bora na Boram.

Rot long ol arapela ilektoret we ol memba i bin askim long stretim na gavman orait long en em

ol dispela; Mai-Tadji, Mis-Kamba, Tobera-Ralubang, Moem-Sil, Wabag-Yampu, Talasea-Valupai, Dagi setelmen na Vunapope-Bailu rot.

Bihainim tasol polisi bilong gavman long bringim sevis i go long ol pipel long ples, gavman i putim mani long developim ol dispela rot; Maun Kare-Tari, loma-Kikonda, Nogo-Mandadnigi, Bareji-Safia, Kandep-Magarama, Sivitatanal-Ikega, Kikori-Kopi na Apaun bris long Wes Niu Briten.

Dispela ol wok i stap insait long 1993 baset bilong gavman. Na wok long ol dispela rot na bris bai stat long neks yia, 1993.

## Baset bilong ol bisnisman

i kam long pes 1  
tru long laip bilong ol pipel. Baset i no toktok liklik tok long katim takis bilong graun bilong gavman em ol pipel i save baim. Bikos graun i wanpela bikipela samting long kantri tasol gavman i no lukluk long en.

Dokta Asafa i tok dispela baset i gutpela long helpim ekonomi bilong kantri long 1994 na taim bihain. Tasol bikipela hap bilong baset nau i sut long ol winmani bilong ol kampani i wok long painim wel, gol na kopa long kantri.

Na sapos prais bilong ol samting long dispela tupela wok i pundaun, kantri bai kisim taim.

Long toktok bilong gavman long helpim ol wok egrikalsa na givim mani long apim prais bilong ol kakao, kopra, kopi na welpam, ol i tok dispela em i olsem wanpela driman tasol. Bikos prais bilong ol dispela samting long wol maket i daunbilo tumas.

# K100,000 bilong ol EDF mani stap yet

i kam long pes 1  
wok. Em i no tokaut klia long husat bai givim dispela mani. Tasol aninit long baset ripot, hap toktok daunbilo i tok dispela K23 milien i kam aninit long ol wok bilong ol provinsal rot na trenspot sapot program.

As tingting bilong dispela program i bilong helpim ol memba bilong nesene palamen long wokim ol rot long ol ilektret bilong ol. Bihain long ministia bilong Trenspot i oraitim ol

askim bilong ol memba, em bai givim ol sek mani bilong mekim ol dispela wok. Na mak bilong sek em ol memba inap kisim i go inap long K100,000.

Narapela hap gen i sapotim yet dispela EDF mani bilong ol nesene memba i stap long Dipatmen bilong Egrikalsa na Laipstok. Dispela mani i stap aninit long Egrikalsa Dvelopmen program na ol i kisim K2.1 milien.



## Tupela waitman giamanim gavman long wok bilong Pogera Gol main

PORGERA main i gat moa gol tasol gavman i no save long dispela. Na wok painimaut bai kamap nau long dispela.

Tupela waitman husat i bin wok wantaim Dipatmen bilong Minerels na Eneji i bin giamanim gavman long hamas gol dispela main i gat. Mains na Petroleum minista Masket langalio i tok tupela man ya i mas min long giamanim gavman.

Bikos tupela i no wok moa wantaim dipatmen. Tasol nau tupela i wok long Pogera. Mista langalio i tok we bilong karimaut wok bilong ol projek sabmisin em olsem:

Ol sabmisin i save go long olgeta dipatmen husat i gat sampela kain wok long projek ya long kisim tingting bilong ol. Na bihain ol save bringim sabmisin i go long kabinet long mekim las tokorait.

Mista langalio i tok dispela pasin i

no bin kamap taim ol i bringim ol projek sabmisin bilong Pogera i go long gavman. Em i tok tupela teknikel opisa ya i bin givim ol rong ripot long gavman.

Gavman i no bin save long dispela, tasol em i sainim agrimen. Agrimen ya i larim gavman long kisim hap mani tasol. Tasol dispela i no namba stret bilong mani kampani i wok long mekim. Em i hap tasol.

Mista langalio i tok em bai statim wanpela wok painimaut long lukluk long dispela trabel. Em i bin mekim dispela tok long Trinde Novemba 18, taim palamen i bung.

Mista langalio i bin bekim dispela ol tok bihainim askim bilong Mema bilong Kompian Ambum, John Pundari. Mista Pundari i bin askim sapos minista i save long paul pasin kampani long Pogera, Placer Pacific i mekim.

## Sir Michael askim ol Sumkar pipel long votim gutpela lida

LIDA bilong Oposisen na papa bilong Pangu Pati, Sir Michael Somare i askim nau ol pipel bilong Sumkar ilektoret insait long Madang provins long lukluk gut na votim wanpela gutpela man long kisim ples bilong Galeng Lang long Sumkar bai ileksen

Mista Lang i bin sik long lewa na dai long mun Ogas, bihain tasol long em i winim sia long 1992 nesenel ileksen.

Sir Michael i mekim dispela askim i go long ol pipel long namba 14 na 15 de bilong dispela mun, taim em i go raun long Rempilong Not Kos na Karkar Ailan. Em i go raun wantaim wanpela kendidet bilong Pangu Pati, Kare Maor.

Mista Maor i bilong ples Mom insait long Karkar Ailan. Em i stap olsem memba bilong Sumkar long yia 1972 i kam inap long 1982 taim Mista Lang i winim em.

Sir Michael i wokabaut raun wantaim Mista Maor long wanem em i papa bilong Pangu Pati. Astingting bilong dispela em long grisim ol manmeri long votim Maor.

Taim Sir Michael i go raun wantaim kendidet bilong em, em i askim ol pipel long lukluk, tingting gut na votim wanpela gutpela man husat bai kisim ples bilong Mista Lang.

## Bekim bilong oposisen: 1993 baset i bilong helpim ol mani mani tasol

OPOSISEN i tok gavman i pilai laki long 1993 baset bilong em.

Bikos ol pipel husat i pilai laki i save gat wanpela sans tasol. Dispela em long win o lus. Mausman bilong Oposisen long baset, Chris Haiveta i tok gavman bilong Praim Minista Paas Wingti i mekim wankain pasin. Olsem na sapos

baset i wok bihainim plen bilong gavman, ol pipel na kantri bai win. Sapos no gat, ol bai lus. Mista Haiveta i tok baset i luk gutpela.

Tasol em i no amamas long sampela samting. Na wanpela bilong ol samting ya em senis long ol takis. Mista Haiveta i tok ol dispela senis long takis bai mekim ol mani

man, na ol top pablik seven long gat moa mani.

Na dispela bai mekim ol muv i go longwe moa long ol grasrut pipel. Ol lain husat bai kisim taim insait long dispela senis em ol grasrut manmeri.

"Mipela i lukim dispela 1993 baset olsem baset bilong helpim ol pipel bilong ol arapela

kantri, na ol lain husat i save kisim bikipela pe. Oposisen i bilip olsem dispela ol senis long takis bai opim dua bilong ol bisnis, na ol man nabaut long paulim gavman. Bikos nau ol i ken mekim bisnis wantaim K500,000 na no inap long baim takis.

"Mipela i sapatim ol long dispela polisi

bilong fri edukesen. Tasol sapos olgeta pikinini i laik go long skul, tasol i no gat planti skul? Long nau i no gat planti skul. Gavman i mas lukluk tu long ol dispela hevi," Mista Haiveta i tok.

Em i tok olsem gavman i rausim dispela ol ilektrol developmen fan bilong wanwan memba.

## Sapos gavman i orait:

# Ol meri bai joinim ami

### MESERY GUBAG I raitim

BIKPELA mani bilong PNG Difens Fos long 1993 baset bai go long ol operesen wok.

Long sem taim ol bai mekim ol soldia wok nabaut olsem stretim rot na ol skul, bris na ol arapela

developmen wok. Dispela i bihainim polisi bilong gavman long helpim ol pipel long ol rurel eria na developim kantri.

Difens Minista Paul Tohian i tokim palamen olsem long Tunde Novemba 17. Em i tok long sem taim gavman bai kisim moa wokman long difens fos. Na dispela bai apim namba bilong ol soldia i go 5,200 long 1995.

Mista Tohian i tok nau yet ol i tingting tu long kisim ol meri long joinim Difens fos. Dispela i bihainim tasol polisi bilong gavman long givim sem rait long ol man na meri long wok wantaim insait long kantri.

"Mi laik tokim palamen olsem mani gavman i save givim i go long Difens i no inap. Na dispela em long bipo yet i kam inap nau. Mani ya i no inap long mekim ol wok bilong developim kantri, na tu long lukautim lo na oda insait long kantri.

"Dispela helpim Australia ami i save givim PNG Difens Fos gutpela tru. Bikos ol i bin helpim long wokim bes bilong ol ami balus long Mosbi. Na tu dispela bes bilong ol ami sip long Manus. Wok namel long tupela kantri, long dispela sait i strong na gutpela tru.

"Tasol nau mipela i lukluk long kirapim wok bung wantaim ol arapela kantri insait long rijon bilong yumi long Asia, na tu long Yurop. Difens Fos tu i stat long mekim wok bung wantaim ol ami bilong Nu Silan na Amerika," Tohian i tok.

Mista Tohian i skruim tok moa olsem dispela wok bung i wok long kamap gut nau. Na bihain tasol wanpela agrimen PNG i bin sainim wantaim Indonesia long wok bung long teknikel sait, mipela bai go het long dispela samting. Em i tok PNG i lukluk tu long kirapim sampela kain wok bung wantaim Saut Korea.

## Bungim mani long salim bodi



• Ol meri pikinini ya i penim pes long graun na bungim mani long Boroko las wik. Mani i bilong salim bodi bilong wanpela famili balus i pundaun na kilim ol long lsten Hailans long dispela mun yet. Foto: David Rom.



### VISA PHOTOS

Ready in minutes

### ALU SIGNS PTY LTD

P.O. BOX 7081, BOROKO, PH: 25 4800  
STORE NEAR BOROKO POLICE STATION





# WANTOK

NIUSPEPA BILONG OL PAPUA NIUGINI STRET

## Kusai bilong gavman

Tupela ripot nau i kamapim narakain tingting gen.

Namba wan i toktok long 1993 baset bilong nesenel gavman. Na dispela baset bai helpim tasol ol bisnisman sapos wanem samting gavman i laik mekim i no karim kaikai.

Namba tu samting i toktok long dispela EDF o ilektorel developmen fan mani em gavman i tok long rausim bipo yet. Tasol insait long 1993 baset, i gat ol hap bilong dispela mani i stap.

Dispela i kamapim nau bikpela askim na tingting insait long ol komyuniti long wanem samting tru em gavman i laik mekim. Em i wokim dispela ol program na tingim tu bekim bilong en long ol pipel o em i go het tasol, na ting olsem ol samting bai wok na kamap gut.

Sapos program i no wok na ol samting i bagarap, ol liklik man na meri bai kisim taim stret.

Bihainim dispela baset, olgeta wok projek nau i sindaun antap long han bilong mani. Na gavman i no tingim gut dispela na traim kamapim ol arapela rot bilong stap sambai na wok sapos kantri i bungim hevi bilong mani.

Em i wankain tasol taim ol i no rausim olgeta dispela kain pasin bilong yusim EDF mani. Olgeta toktok bipo i kamap olsem bai i no gat moa EDF mani, tasol dispela i giaman tasol.

## Moa ripot bihainim tokorait bilong kabinet long rausim provinsal gavman

# Viles Sevises skim na kiap sistem i wankain - Nilkare

DISPELA Viles Sevises skim we kabinet i bin oraitim i no wankain nupela samting. Dispela skim i wankain olsem kiap sistem bilong taim bipo. Bikpela samting em gavman i no kamapim dispela sistem long kisim ples bilong ol provinsal gavman. Astringting bilong dispela aida em long traim stretim wok bilong ol provinsal gavman. Na bai givim moa pawa i go long ol pipel long ples long bringim sevis i go insait long wanwan eria bilong ol.

Minista bilong Provinsal Afeas na Viles Sevises, John Nilkare i kliam dispela long Tunde, Novemba 17. Dispela em long taim em i opim namba wan Viles Sevises Awenes Trening em i bin kamap long Mosbi Insevis Koles.

Mista Nilkare i tok long planti yia i go pinis, gavman i lus tingting olgeta long ol. I tru olsem gavman i givim sevis i go long ol pipel long ples. Tasol ol manmeri i no kisim gut dispela ol

### GODFRIED NIAKA I raitim

sevis.

"Olsem na gavman i putim kamap dispela viles sevis skim long givim sans long pipel bilong ples, bai ol yet i mas mekim wok long bringim sevis i go long ol," Mista Nilkare i tok.

Long 1993 baset, nesenel gavman i putim K12 milien i go long mekim wok bilong viles sevises. Mista Nilkare i tok sapos gavman na oposisen i wok bung wantaim, dispela skim bai ran gut. Na ol pipel bai kisim ol gavman sevis."

Mista Nilkare i tokaut tu olsem gavman bai salim K20,000 i go long wanwan provins. Dispela mani i bilong ol manmeri husat i kamap long trening long yusim na kempen raun long ol ples, long kliam ol pipel long dispela aida.

Moa long 70 manmeri long olgeta provins i kamap long trening long Insevis koles. Dis-

pela trening i bin stat long Tunde Novemba 17, na bai pinis long Fonde Novemba 19.

Ol 70 manmeri i lainim long we bilong tok kliam i go long ol pipel long ples long wok bilong vilis sevis program, na tu wanem kain wok dispela program bai karimaut.

Na tu ol bai toktok na givim tingting bilong ol i go long gavman long wanem we na rot bilong mekim wok bilong viles sevis program.

Namba wan hap bilong program i toktok long komyuniti plening. Dispela em long kamapim ol rot we wok bilong plening i ken kamap insait long ol rurel eria. Gavman bai stretim dispela program long pinis bilong dispela yia.

Sampela samting we dispela skim bai traim long stretim na kamapim em long mekim ol pipel i luksave long ol lida long ples. Na tu long kamapim ol komyuniti helt woka, makim ol tokples tise na program bilong lukautim ples.

## Wantok sistem bai daunim Viles Sevises

WANPELA yangpela man Vanimo insait long Wes Sepik provins i no bilip long toktok gavman bilong Praim Minista Paias Wingti i wokim long rausim provinsal gavman, bikos em i kos planti mani long ranim.

Robert Welia i bilip gavman i laik giaman tasol long rausim provinsal gavman na putim nupela viles sevises skim long senisim. Welia i bilip olsem planti provinsal gavman long kantri i wokim planti gutpela wok tru long helpim ol pipel.

Sampela provinsal gavman i no save helpim gut pipel bikos ol i no gat inap mani long mani plen bilong ol. Dispela i save stapim ol long mekim gut wok bilong givim sevis i go long ol pipel.

## Kain kain laki bisnis long Mosbi



• Kain kain laki loti bisnis i kamap nau insait long Mosbi. Man ya i ranim bisnis bilong balm 20t tiket. Na sapos yu gat laki namba bihainim long em i tano, bod long baksait, bai yu winim sampela mani. Ol kain resis i pulap long olgeta maket nau insait long siti. Foto: David Rom.

## Nupela skim bai mekim ol viles lida gat namba

I NO ol saveman na meri tasol bai karimaut wok bilong dispela nupela Viles Sevises skim we Minista bilong Provinsal Afeas na Viles Sevises, John Nilkare i putim kamap. Ol viles lida insait long ol ples tu bai mekim wok long developim dispela viles sevises skim. Insait long wanwan mun ol bai kisim K40.

Na wok bilong ol viles lida i kam aninit long Humen Developmen Program bilong dispela viles sevises skim.

Wok bilong ol viles lida em long helpim ol viles kot long ol samting bilong kastom, kamap olsem edvaisa bilong lokel gavman, givim tumbuna stori i go long viles rekota, helpim ol man bilong harim kot bilong graun, givim edvais o skul i go long ol tokples skul tisa long ol kastom bilong ples, na ogenaisim ol bung.

Ol dispela viles lida bai kisim spesel medal long soim olsem ol i stap olsem ol viles lida.

## Pokawin no ken tingting long mekim nem -Matiabe

OLPELA memba bilong Koroba Lek Kopiago, Aruru Matiabe i askim nau Primia bilong Manus, Stephen Pokawin long no ken tingting long mekim nem bilong em yet, na bikmaus long Niugini Ailan i mas bruk lusim Papua Niugini.

Primia Pokawin i bin autim dispela tok pret long kibung bilong ol Niugini Ailan primia bihainim tok orait bilong kabinet long rausim ol provinsal gavman.

Mista Matiabe i tok muv bilong Mista Pokawin bai bringim moa hevi, na no gat gutpela helpim long ol pipel bilong Niugini Ailan.

"Ol saveman bilong kantri olsem Mista Pokawin i gat bikpela wok long lainim ol manmeri bilong Papua Niugini husat i gat moa long 700 tokples na tumbuna pasin long wok bung na stap wantaim olsem wan-

pela kantri," Matiabe i tok.

Mista Matiabe i skruim tok moa olsem politik sistem bilong PNG em i moa gutpela bikos i gat sekap olsem nesenel gavman i saspenim ol provinsal gavman sapos sampela paul wok i kamap.

Em i tok no gat wanpela kantri long wol i gat gutpela nambawan polikel sistem.

"Wanem samting mipela i mas mekim nau em long stretim sistem, long ol sevis i ken go gut long ol pipel," Matiabe i tok.

Mista Matiabe i askim nau praim minista Wingti na primia Pokawin long tingting long wok bung na stap wantaim bilong ol pipel bilong Papua Niugini. Bikos dispela em i bikpela samting long dispela kantri, winim wanem kain tokorait tupela i mekim.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

**BIABIA** BIKPELA FANSON LONG PALA-MEN HAUS NA BIABIA IGO...



OLGETA MAN WERIM NEK-TAI BILONG PATI TASOL BIABIA I WERIM NEK-TAI BILONG FINOROL... (MAN INDAI.)



EM I GO SANAP NA OL MANMERE TING BIABIA IKAMBEK LONG WANPELA FINOROL...



NAU OL I ASKIM EM...







□ Kanage wantaim poro bilong em i go raun long Sen Xaviers haiskul long Kairiru Allan, Is Sepik long lukim wantok bilong tupela, husat i wok olsem wanpela taipis bilong skul. Tupela i kamap long nait na slip.

Long moning tupela waswas na i laik go long lotu. Tasol tupela i no kila long ol samtling. Tambu bilong Kanage pasim tawol na sanap arere long sink o ples bilong wasim ol plet sospen long haus kuk. Kanage ting em ples bilong waswas.

Em kirap na askim tambu bilong em, "Ol i save waswas we?" Kanage tu i no waswas yet, bikos em tu i no save. Em kirap na tokim Kanage olsem, "Ol i save waswas long dispela sink." Kanage i no westim talm. Boi kalap antap long liklik sink na laik waswas. Tasol em painim hat stret.

Em singaut i stap na ol meri wantok bilong em i kam ausait, na tokim em olsem haus bilong waswas i stap daunblo. Man olgeta i kilim skin stret long lap.

Luzipher  
WEWAK

■ Wanpela Sarere moning Kanage stap long haus na ritim wanpela komik i go na pilim nek bilong em i drai. Em askim namba wan pikinini meri bilong em, Oro long givim em wara. Tasol Oro i les. Kanage belhat na tokim pikinini meri: "Yu laikim bai yu kisim solap o wanem?" Pikinini meri harim dispela toktok na i no amamas. Olsem na em i askim Kanage: "Papa. Wanem taim bai yu givim mi solap?"

Meri bilong Kanage i harim dispela toktok we pikinini meri i mekim na i no amamas. Meri i askim Kanage. "Yu mekim wanem kain toktok na Oro i mekim dispela toktok." Taim meri bilong Kanage i askim, Kanage i belhat olgeta na bel bilong em i paia nogut tru. Em kirap na tokim meri bilong em. "Pasim maus. Nogut yu tu bai kisim solap." Meri bilong Kanage i kirap na tokim Kanage. "Em i orait. Mi no nupela long kisim solap. Em liklik samtling mi ken kisim."

Kanage i no wanbel long toktok bilong meri bilong em. Olsem na em kirap na krosim meri na pikinini meri bilong em Oro: "Em i orait. Maus bilong yutupela i ken antap antap i stap. Apinun pastaim bai wanpela bilong yutupela kisim solap na i go slip long haus sik."

Jay Kay  
BARANAGI

□ Wanpela nait Siks Peks ben i go pilal long wanpela ples ol i kolim Bambo long hap bilong Is Sepik. Em nau Kanage waswas pinis, rabim bebi wel, putim nupela trausis, slot, su, soken wantaim blakpela aiglas na go long danis.

Taim em i kamap long ples bilong danis, em balm dua na go insait. I no longtalm wanpela yangpela meri i kam na Kanage tromoi huk long em. Meri ya i lukim Kanage na i lap. Em nau Kanage amamas nogut tru olsem em bai gat sans.

Kanage i go klostu tru long meri ya na tokim em: "Lewa. Mi laikim stall bilong yu tasol. Yu maski planti talm."

Taim meri ya i harim hap tok olsem, em paul stret na kirap askim Kanage: "Wanem samtling em stall?" Kanage kirap na bekim: "Oloman. Yu no save long stall bilong ol Hailans. Wanem yu bin go long skul tu o no gat?"

Moingan Bambo  
HAGEN

Moa tok pilai long pes 16

# Kempen bilong daunim spak brus kamap long Isten Hailans na Simbu

NESENEL Nakotik Biru i tingting long givim skul long olgeta pipel long Papua Niugini long ol hevi spak brus i save kamapim.

Ol i tingting long wokim dispela long 5-pela yia, na bai traime givim skul long olgeta pipel insait long kantri. Dispela 5-pela yia progrem bai stat long Novemba 27 na pinis long Desemba 14.

Ol i makm pinis tupela provins long stap insait long dispela progrem. Dispela

## SAPE METTA i raitim

tupela provins em Simbu na Isten Hailans.

Wanpela grup bilong ol studen long Isten Hailans husat i skul long Yunivesiti bilong Papua Niugini long Mosbi bai go pas long skulim ol pipel. Dispela grup bai toktok long ol studen bilong Kabiufa, Asaroka, Rintebe, Bena Bena, Lufa, Henganofi,

Okapa, Kainantu na Aiyura Nesenel haiskul.

Ol studen bai makim ol ples i stap namel long Okapa, Kainantu, Henganofi, Lufa, BenaBena, Unggai, Goroka, Asaro na Watabung long toktok na skulim ol pipel long hevi spak brus i save kamapim.

Na long Simbu ol studen bilong yunivesiti bai wokim wankain samtling olsem ol lain bilong Isten Hailans.

Astingting bilong dispela wok em long skulim ol yangpela manmeri long ples long birua spak brus olsem mariwana i ken kamapim. Na lo i tambu long planim na yusim ol dispela spak brus.

Ol i makim Simbu na Isten Hailans provins na askim dispela tupela provins long givim K7,450. Bikos dispela tupela provins i gat bikpela namba bilong ol man i save yusim na planim spak brus.

## Goroka Lokel Gavman Kaunsil statim wok gen

ISTEN Hailans provinsal gavman i tokorait pinis long Goroka Lokel Gavman Kaunsil long statim wok gen.

Gavman bilong olpela primia, Walter Nombe i bin pinisim wok bilong Goroka Lokel Gavman Kaunsil long 1989. Dispela em long taim ol i painim olsem kaunsil i gat bikpela dinau. Na givim wok na sevis i go long nupela Isten Hailans Kapitel Atoriti. Na salim ol samtling kaunsil i papa long bekim K900,000 dinau.

Maski kaunsil i kam bek long wokim gen wok, em i gat K150,000 dinau i stap yet. Man husat i toktok planti long opim gen opis bilong Goroka Lokel Gavman Kaunsil em olpela kaunsil presiden na nau namba tu primia, Kasen Nahe.

Narapela hevi nau em ol i no save sapos ol olpela kaunsil memba bai holim yet opis. I gat 39 olpela kaunsil memba i stap nating bihain long Nombe gavman i pasim opis bilong kaunsil.

Gavman i bin makim Charles Gotto olsem edministreta na Bob Makive olsem bod memba long lukautim wok bilong kaunsil. Ol dispela lain i bin wokhat na bekim K750,000 long tripela yia tasol.

Mista Makive i tok kaunsil nau i ken bekim ol arapela dinau. Bikos ol i winim pinis kontrak long stretim rot long Dalo Pas. Dispela projek i kos moa long K2 milien.

Nupela ileksen bilong kaunsil bai kamap long dispela mun. Tasol ol i tingting long daunim namba bilong ol kaunsil memba.

## Ol viles tambu long yusim dainamait long kilim ol pis

OL viles lida long ol nambis bilong Hiri long Sentrel provins i tokorait pinis long stapim ol man husat i save bagarapim ol rif bilong solwara taim ol i yusim dainamait long kilim pis.

Ol viles lida ya i kamap wantaim dispela tingting bihain long ol i holim wanpela woksop bilong Melanesian Envaironmen Faundes. Dispela woksop i bin kamap long ples Gabagaba. Woksop i bin stat long Novemba 2 na pinis long 6.

Ol viles lida husat i kamap long dispela woksop em ol kaunsil, pis opisa, mejistret na felosip lida bilong ol meri. Ol lain ya i kam long ples Gabagaba, Barakau, Tubuseria na Roku.

Mausman bilong ol, Mista Noho Hoi bilong ples Tubuseria i tok ol pipel bilong em i les pinis long ol ausait

man i save yusim dainamait long kilim pis. Long wanem dispela i save bagarapim ol rif bilong solwara. "Mipela i laikim ol pikinini bilong mipela long bihain taim i mas lukim ol rif we mipela i gat nau," Mista Hoi i go moa long pes 7

## Goroka plis skwat go bek long Bogenvil

### SAPE METTA i raitim

PLIS Mobail Sevis Yunit bilong Goroka i go bek gen long Bogenvil ailan. Yunit i gat 30 plisman olgeta, na i lusim Nadzab ples balus, Lae aninit long lukautim bilong Inspekta Wauwia long las Fonde moning.

"Skwat bai i go stap long Bogenvil long tripela mun olgeta.

GMSU i bin go namba wan taim long Bogenvil long 1988, na sapotim ol soldia bilong PNG Difens Fos long pait egens ol rebel paitman bilong BRA. GMSU i go bek bikos long gutpela wok em i bin mekim long Bogenvil.

Long 1988 skwat i lusim tupela memba em BRA i sutim. Na skwat i kam bek wantaim tupela bodi, na bilong tupela arapela memba husat i kisim bagarap tasol. Sajjen Moses em wanpela plisman husat i kisim bagarap, na nau em i go bek olsem

## Stretim baret long Vanimo



• Wok bilong kamapim gut ol baret insait long Vanimo taun long Wes Sepik provins i wok long go het yet. Bikos planti taim i go pinis i gat bikpela ren, na taun i save pulap long wara. Ol dispela wok em ol wokman bilong Nesenel Woks Dipatmen i statim long tupela mun i go pinis. Na wok bilong wokim rot bilong ol ka i tanim long namel bilong soping senta bai klostu i pinis. *Poto: Felix Ramram.*

## Olgeta 14 kendidet bai resis

OLGETA 14 kendidet husat i givim nem bilong resis long Sumkar bai ileksen long Madang provins bai resis yet.

Dispela toktok i kamap bihain long wanpela ripot i tok olsem tupela kendidet i bin rausim nem bilong ol long givim spes long narapela kendidet.

Wanpela bilong dispela tupela man, Uron Stahl Salum i tok em i no rausim nem long resis. Em bai resis yet, na nem bilong em i stap long namba 4 bokis.

"Wanem samtling i kamap i pani tru.

I luk olsem sampela man i laik yusim nem bilong mipela long win."

Em i tok, "Olsem wanpela trupela blut bilong Karkar, mi bai resis long sia bilong Sumkar long dispela bai ileksen. Sampela lain i hangre tasol long pawa na i laik yusim nem bilong mi long resis."

Em i tok tu olsem dispela i no gutpela, bikos sampela bilong ol dispela kendidet i no bilong Sumkar ilektoret.

Salum i skruim tok olsem dispela ol lain i mekim olsem bikos ol i pret nogut em bai win long bikpela namba.

sajjen bilong yunit.

GMSU i gat nem olsem nambawan Plis Mobail Yunit insait long Papua Niugini.

Taim skwat i kam bek long Bogenvil, em i gat nem long ol spesel operesen. Dispela em long lukautim ol samtling na bikman long Pogera Gol main, lukautim straik bilong ol Lae Yunitek studen, stapim sampela bikpela pait namel long ol wan pisin long hailans. Skwat i gat nem tu long kamap hariap na stapim sampela pait em inap long kamap bikpela insait long taun na ol spot fil.

Skwat i kisim nem tu long wok hariap na lukautim olpela praim minista Rabbie Namaliu na sampela bikman long bung bilong Pangu Pati, em trabel i kamap long Nesenel Pak long Goroka.

Provinsal Plis Komanda, Sief Inspekta Buckley larume i askim 30 plisman bilong skwat long wok, slip na muv wantaim olsem wanpela yunit long lukautim gutpela nem bilong skwat, taim ol i mekim wok bilong ol long Bogenvil.



# TU MINIT TINGTING

## TAIM BILONG PLANIM KAIKAI LONG GADEN

Nau yumi statim taim bilong Adven, em i stat bilong nupela Sios yia. Long sampela hap bilong PNG em i gutpela taim tu bilong wok long gaden, long wanem, taim bilong Taleo o ren i kamap nau. Olsem ating yumi ken traim kisim liklik skul bilong Adven long wok gaden bilong yumi.

Yumi save pinis long pasin bilong planim suga o maniok long gaden. Yumi save kisim stik suga o stik maniok i no gat lip olgeta, na yumi save subim em i go insait long graun. Sapos wanpela man o meri bilong taun i lukim tupela stik ya, em inap ting, tupela i drai pinis. Long wanem, tupela i no gat sampela lip. Tasol maski, tupela i gat laip i hait insait long tupela, na bihain long sampela wik bai nupela kru i kamaut long tupela stik nating.

Sampela pipel i wankain olsem tupela stik ya. Ating yumi dropaut, na i luk olsem yumi dai

pinis; yumi no inap go het. O yumi ting long yangpela boi o meri i ranawe long papamama. I luk olsem em i mas kamap raskol nau. I luk olsem laip bilong em i drai pinis. O yumi ting long ol skulboi o skulmeri i save go oltaim long lotu. Tasol nau ol i lusim haikul pinis na i kisim wok, na ol i no moa lukim insait bilong wanpela haus lotu. I luk olsem relisen bilong ol i dai pinis. Ol dispela pipel i olsem wanpela stik suga o stik maniok i no gat lip. Tasol lukaut! Laip i hait i stap insait long ol yet.

Long stori bilong lain tumbuna bilong Jisas long Olpela Testamen i wankain tasol. Olgeta lain king i bihainim tumbuna David, ol i rabis tru. I luk olsem lain famili bilong David na olgeta tumbuna i bin kamap long en, ol i sting pinis. Tasol long dispela stingpela man, God i bin mekim Jisas i kamap. Profet Aisaya i bin tok profet na tok piksa olsem

long Jisas: "Lain bilong Jesi (em papa bilong David) em i olsem as bilong diwai ol i katim daun pinis. Tasol wanpela nupela kru bai kamap long dispela as bilong diwai...na Spirit bilong Bikpela bai i kam stap long em." (Ais 11:1) Sapos yu rit moa long dispela hap Aisaya, bai yu klia tru long em i tok profet long Jisas yet.

Long dispela taim bilong Adven yumi save ritim na tingim dispela hap tok bilong Aisaya planti taim insait long lotu. Olsem stik suga o stik maniok bilong yumi i save putim kru, olsem tasol dispela as diwai bilong lain bilong David bai putim kru long taim bilong Krismas na Jisas bai kamap. Yu lukim! Samting i gat laip i kamap long samting i luk olsem em i bin dai pinis.

Dispela stori bilong as diwai na bilong tupela stik i ken strongim bel bilong yumi long dispela taim bilong Adven. Em i taim nau we yumi tu i ken stat long

groa gen, bihain long i luk olsem bilip bilong yumi i bin dai pinis. Mi ting nau long wanpela yangpela meri i bin mekim gutpela wok na i bin joinim olgeta grup insait long sios. Bihain long sampela yia em i bin lusim gutpela rot na i bin go arere. Asde tasol mi bungim em gen. Em i kam bek gen; na nau em i wok fultaim wantaim ol yangpela pipel husat i gat han na lek nogut.

Sampela taim long haus lotu mi save lukim ai bilong sampela yangpela na ol lapun tu i laip tru, na ol i putim yau moa yet long tok bilong God. Mi painimaut olsem inap long planti yia ol i no bin tingting liklik long Jisas, na ol i no bin kam long lotu olgeta. Tasol wanpela sik o wanpela birua i bin painim ol, na ol i senis na i kamap narakain. O ol i bin bungim wanpela man o meri na laip bilong ol i bin senis. Nau nupela kru i kamap long dispela stik o as bilong diwai i luk olsem em i drai pinis.



FRANK MIHALIC i raitim

Kru i save kamap long stik suga na stik maniok long wanem, yumi save planim gut na lukautim. Long dispela taim bilong Adven yumi wanwan inap kamap olsem wanpela kru. Ating pastaim yumi olsem as diwai o stik suga i drai pinis. Tasol nau yumi planim em long gutpela graun na givim wara long en. Na em inap kamap na groa, olsem Profet Aisaya i bin tok long sapta 11, ves 2: "Spirit bilong Bikpela bai i kam stap long dispela kru i kamap long as bilong diwai na em bai kisim gutpela save na tingting; em bai save long tingting bilong Bikpela; oltaim em bai stap aninit long Bikpela; na dispela pasin bai mekim em i amamas moa yet."

## 19 sista na 7-pela bruter greduet long mekim pastorel wok



• Ol sista i redi long tumbuna bilas bipo ol i kisim setifiket.

### Ol WNB Katolik yut kisim skul long wok gut olsem lida

BUNG bilong ol Katolik yut long Kimbe i kisim gutpela skul long lukautim gutpela nem long wok olsem lida oltaim long wanwan komyuniti bilong ol.

Dispela skul i kam long Asbisop bilong Rabaul, Karl Hasse long Tunde Novemba 10. Asbisop Hasse i mekim dispela toktok taim em i pasim wanpela bung bilong ol Katolik Yut long Kimbe.

Asbisop na ol bikman husat i

go pas long holim dispela bung i tok ol yangpela manmeri bilong olgeta hap bilong Wes Nu Briten (WNB) provins i bung gut tru.

Tupela bikman husat i go pas long holim dispela bung em Katolik yut kodineta bilong WNB, Raymong Laupu na Katolik Edukesen Seketeri, Fred Vili. Het tok bilong bung bilong dispela yia em "Bringim Krai i go long ol arapela pipel".

Asbisop Hasse i askim ol

yangpela long sanap strong, na rere long bungim salens long wok olsem Kristen lida long wanwan komyuniti bilong ol.

Em i tokim ol yangpela olsem planti taim ol politisian na ol pipel long komyuniti i save kolim yupela olsem ol raskol. "Nau yupela mas kisim salens long soim olsem yupela i no nogut olsem ol i tok. Oltaim kisim Krai i go insait long yu olsem man bilong helpim na stretim rot bilong yu."

### GODFRIED NIAKA i raitim

YUPELA i pinisim dispela pastorel kos we yupela i bin stap insait long en. Na wanpela samting we yupela i tingting nau em long go ausait na mekim wanem samting yupela i lainim insait long dispela pastorel kos.

Asbisop bilong Mosbi, Sir Peter Kurongku i mekim dispela toktok long las wik Fraide, Novemba 13, taim em i mekim lotu bilong 19 sista na 7-pela bruter

husat i kisim setifiket bilong ol long stap insait long wanpela pastorel kos long Xavier Institut long Bomana, ausait long Mosbi siti.

Dispela 19 sista na 7-pela bruter i bin statim kos bilong ol long mun Janueri long dispela yia. Na ol i pinisim kos long Fonde, Novemba 12.

Insait long dispela kos, ol i lainim ol samting olsem we na pasin bilong stap olsem ol lida, ol toktok i stap long buk Baibel, sakramen bilong baptismo, famili ministri na ol arapela samting long mekim pastorel wok.

Long ol 19 sista, 18 i bilong Papua Niugini na wanpela i bilong Solomon Ailan. Long ol dispela 18 sista bilong Papua Niugini, 17 i bilong Katolik sios na wanpela tasol i bilong Engliken.

Na long ol 7-pela bruter, 6-pela i bilong

Katolik sios na wanpela tasol i bilong Engliken. Dispela ol bruter na sista i kam long ol daiosis long olgeta hap bilong Papua Niugini.

Long toktok bilong em, Asbisop Kurongku i tok wanem samting dispela 26 bruter na sista i lainim long dispela kos bai helpim ol long mekim wok bilong sios. Na dispela em long mekim ol pipel i save, laikim na mekim wok bilong God.

"Jisas long taim bilong em i bin luksave long laip bilong ol manmeri. Em i save long God. Jisas save olsem God i laikim em tumas. Na em i toktok long God olsem papa bilong em.

"Dispela God we Jisas i toktok long en i save laikim tru ol manmeri. Em save laikim long stap wantaim ol. Na toktok bilong em i naispela na ol manmeri i save long wanem ol toktok bilong

em," Asbisop Kurongku i tok.

Asbisop Kurongku i skruim tok olsem Jisas i bin save olsem ol lida long taim bilong em i save egens ol toktok na wok bilong em. Na dispela ol lida i save plenim long wanem rot tru bai ol i kilim em.

Em i tok Jisas i bin save olsem dispela wok we em i wok long mekim i ken kamapim indai. Tasol em i no pret long mekim wok bilong em. Em i bin gat strongpela bilip. Na God i save stap wantaim em oltaim. Na i save laikim em, na tu i save givim em olgeta sapot long mekim wok bilong em.

Sista Lorena bilong Xavier Institut long Bomana i tok dispela em i namba wan taim long wanpela bruter na sista bilong Engliken sios long stap insait long kain kos olsem wantaim ol sista na bruter bilong Katolik sios.

## Nu Ailan em namba 9 rijon bilong Yunaited sios long PNG

### JOE KORO i raitim

YUNAITED sios bilong Papua Niugini na Solomon Ailan i makim pinis Nu Ailan provins olsem namba 9 rijon bilong Yunaited sios insait long PNG.

Dispela tokorait bin kamap long jenerel asembli kibung bilong Yunaited sios. Kibung ya i bin kamap long Vunairoto Yunaited sios long Rabaul long Novemba 14.

Faipela bisop olgeta bilong Yunaited sios i bin kamap long dispela kibung. Nem

bilong ol em Reveren Bisop Evera Meakoro bilong Galp rijon, Reveren Bisop Wala Tamate bilong Eben rijon, Reveren Bisop Simeon Namunu bilong Papua rijon, Reveren Bisop Seru Beraki bilong Ailan rijon na Reveren Bisop William Tokilala bilong Nu Briten rijon.

Insait long kibung ol i makim gen Reveren Edea Kidu long stap olsem modereta o man bilong makim Yunaited sios long haus kot. Long neks yia bai taim bilong Reveren Kidu long stap olsem modereta i pinis. Tasol asembli i makim em gen long holim yet dispela wok long narapela tupela

moa yia.

Asembli i makim tu tripela nupela bisop. Wanpela bilong Papuan Ailan rijon, wanpela bilong Not Solomon rijon na narapela bilong Eben rijon.

Long Papuan Ailan rijon, asembli i makim Reveren Henry Tauwaigu long kisim ples bilong Reveren Bisop Simeon Namunu. Long lukautim Not Solomon rijon, Reveren Samson Mangung i kisim ples bilong Reveren Bisop John Zale. Na long Eben rijon, Reveren Nou Oru i kisim ples bilong Reveren Bisop Gagoa Gaigo.

Bipo long asembli i makim Reveren Nou Oru long kisim ples bilong Reveren Bisop

Gagoa Gaigo, Reveren Oru i bin stap olsem Jenerel Seketeri bilong Asembli. Na nau em i kisim ples bilong Reveren Bisop Gaigo. Asembli i makim Demas Tongogo long wok olsem jenerel seketeri bilong asembli. Bipo long asembli i makim Tongogo long kamap olsem jenerel seketeri bilong asembli, em i bin stap olsem Edukesen Seketeri bilong Asembli long Mosbi.

Na man husat bai kisim ples bilong Mista Tongogo em Gogobe Mairi bilong Eben rijon.

Dispela asembli jenerel kibung bilong Yunaited sios i save kamap long olgeta tupela yia.



# Marasin sot long Kimbe haus sik

KIMBE jenerel haus sik long Wes Nu Briten i sot tru nau long marasin.

Ol bikman bilong provinsal helt divisen i givim wanpela tok lukaut long ol pipel long dispela long Redio Kimbe. Dispela em long Fraide Novemba 13.

Insait long dispela radio program, ol i askim ol pipel long lukautim ol yet.

Kimbe haus sik i sot long marasin stat long

STEVEN KADIKO i raitim

las wik yet. Dispela em long wanem saplai bilong ol marasin long bikpela bakstua long Rabaul i no kamap yet long Kimbe.

Bakstua long Rabaul i save saplain marasin long ol haus sik insait long Niugini Ailan rijon.

Provinsal Minista bilong Helt, Joseph Palio i tok ol wokman bilong em i wokhat nau long lukim olsem dis-

pela hevi i no ken bagarapim wok bilong haus sik.

Na long helpim dispela hevi long no ken kamap bikpela, ol bikman i askim nau ol manmeri husat i gat liklik sik long kamap long haus sik.

Tasol ol i no inap kisim marasin. Ol dokta na nes bai raitim tasol pepa bilong ol, na ol yet bai go baim marasin long stua

bilong salim marasin long taun.

Asisten seketeri bilong Helt, Augustine Moore i tokaut olsem dispela ripot bilong haus sik i sot long marasin i tru.

Mista Moore i tok nau yet i gat inap marasin tasol i stap bilong ol sikman na meri wantaim pikinini husat i slip long haus sik. As bilong dispela tokorait em long haus sik i yusim gut dispela liklik marasin inap saplai long Rabaul i kamap.

## Wau Biaru rot klostu pinis

ARI GUH DANDEE i raitim

OL pipel bilong Biaru long Morobe provins i no inap wari long brukim bus i go kamap long Wau taun long baim ol samting. Bikos nau i gat rot bai go insait olgeta long hap bilong ol.

Kos bilong wokim dispela rot i moa long K100,000. Na Morobe provinsal gavman i bin givim mani bilong wokim dispela rot stat long Wau i go inap long Garaina. Anga Construction Unit i bin winim kontrak bilong wokim dispela rot, tasol ol i bungim sampela hevi long namel na go stap tasol long Wisini.

## Ol viles lida tambu long yusim dainamait long kilim ol pis


i kam long pes 5 tok.

"Mipela i bin wet long-pela taim tru long kisim helpim i kam long ausait long stapim dispela samting. Tasol nogat wanpela samting i bin bin kamap. Olsem na mipela yet i mas mekim samting long stapim dispela pasin bilong yusim dainamet long kilim pis long solwara," em i tok.

Dispela ol viles lida i tok ol i bin askim ol lida bilong ol long palamen, tasol ol i no mekim wanpela samting long dispela.

"Mipela votim ol i go long palamen long makim mipela na toktok long hevi bilong mipela," wanpela kaunsil i tok. "Tasol no gat ya".

Mista Hoi i tok long nau yet bagarap i wok long kamap long graun.



• Dispela tep wara long Godens Maket pablik toilet em paip i bin bruk, na wara kapsait nating i go long rot long 6-pela mun nau. Tasol NCDC i no stretim yet dispela hevi. Foto: Lionel Yogomin.

## Bikpela san bagarapim Wau distrik

BIKPELA san i wok long kukim ol samting insait long Wau distrik long Morobe provins.

Bikpela san i stap long hap inap long 5-pela mun olgeta. Na planti kaikai na wara samting i drai olgeta. Na ol pipel bilong taun na ol ples long Wau i

kisim taim nau.

Wanem samting ol pipel i mekim nau em long kukim ol bikpela bus bilong Wau long traim bringim ren. Tasol nogat wanpela samting i kamap nau, na klostu olgeta bus antap long ol maunten bilong Wau bai pinis nau.

Na long olgeta de, moa pipel i wok long kamap long distrik opis na komplem long dispela hevi. Bikpela san na ol i sot nau long kaikai.

Olsem na opisa husat i lukautim Provinsal Afeas opis long Wau, Robin Calistus i tokim

ol pipel bilong Biaru long painimaut long wanem kain bagarap tru i kamap na ripot long opis bilong em.

Em i tokim ol pipel long givim ripot bilong ol pastaim orait em inap slaim ol wokman i go skelim ol bagarap samting long hap.

## Nupela haus bataflai kamap long Wau

ARI GUH DANDEE i raitim

WAU Ekoloji Institut (WEI) nau i gat wanpela nupela haus bilong lukautim ol bataflai.

Kos bilong wokim dispela haus em K24,000. Na gavman bilong Australia i givim mani bilong wokim.

Petron bilong WEI, Sir Paulus Matane i bin kamap long Wau long opim dispela haus. Na em i bin go wantaim wanpela mausman bilong gavman opis bilong Australia long Mosbi.

Mausman bilong Australia i bin katim rop long opim dispela nupela haus bataflai long Wau Ekoloji Institut. Na bikpela lain manmeri na pikinini tu i bin bung long lukim dispela samting.

Bihain long dispela bung, dairekta bilong WEI, Harry Sakulas i kisim ol bikman i go lukluk raun long institut na ol samting i stap insait long en. Na bihain olgeta i go bung long bikpela mumu kaikai.

Long dispela bung tu, distrik seketeri bilong Wau, Kepas Waninara i askim gavman long putim wanpela plis mobail yunit long Wau. Long wanem hevi bilong lo na oda long hap i bikpela yet.

# NOKEN PEIM MOA LONG OL STOA!




10t



10t



10t



10t



5t

"NAU 63% BIKPELA MOA!"

## Sapos ol askim moa...go long narapela stoa!





*Tupela meri makim Kalifonia* • Barbara Boxer (lephan) na Dianne Feinstein, em ol pipel bilong Kalifonia i votim tupela long makim ol long U.S. Senate, i tok tenkyu long ol sapota. Dispela em long Trinde Novemba 4 taim tupela i amamas wantaim ol sapota long San Francisco. Kalifonia em namba wan Stet long Amerika long votim tupela meri i makim em long sia bilong Senate.



• Stuart Williamson, em wampela atis bilong Madame Tussaud Wax Misium long London, Inglan. Em i mekim wampela graun stetu bilong nupela presiden bilong Amerika, Bill Clinton long Trinde Novemba 4.

**Is Timo mausman ranawe i go long Lisbon**

MAN husat i go pas long ogenaisim wampela protes mas long Dili we ol soldia i sut long sot gan na kilim planti manmeri i ranawe pinis long Indonesia. Mista Constantio i ranawe bihain long em i bin hait long 12-pela mun olgeta.

Mista Pinto i bin kamap long Lisbon, biksi bilong kantri Potegal long Novemba 11.

Mista Pinto em siaman bilong konsil ov Nesenel Resistens. Dispela em grup bilong ol Is Timo ailan pipel husat i pait strong long ol i mas bruk lusim Indonesia, na kisim independen.

Wampela mausman bilong dispela grup, Mista Jose Ramos Horta i tok Mista Pinto i yusim wampela giaman paspot bilong Indonesia, na ranawe

long Is Timo i go long Jakata. Na bihain em i kamap long Lisbon.

Mista Ramos Horta i toktok long Lisbon olsem Mista Pinto bai stap long Potugal long sampela wik, na bihain bai em i go long Australia.

Mista Pinto tok ami i putim strongpela lukaut nau long Is Timo. Moa soldia i go insait nau long dispela teritori, we wanwan platur bai stap long olgeta kona bilong Dili. Planti manmeri bilong ovasis i tambu long go long hap. Na ol asples manmeri bilong Is Timo i mas raun wantaim tokorait pepa. Sapos ol soldia i painim wampela man o meri i no gat pepa, em bai go long kalabus.

"Mi no gat pepa," Mista Pinto i tok. "Sapos ol i holim pasim mi, ol bai kilim mi pinis."

*The Sydney Morning Herald*



• Tupela yangpela bol Sarajevo i pilal wantaim giaman sot gan em tupela yet i mekim long Trinde November 4.



• Sampela bilong 100 tan apel o prut em ol fama i tromol nabaut long rot long Marmande long sautwes Frans long Fraide Novemba 6. Ol i mekim dispela long protes egens tokorait bilong agrikalsa polisi bilong ol kantri long Yurop (Yuropian Komyuniti).




*Ol rebel kilim ami opisa* • Wampela meri abrusim ol ami i patrol klostu long Lima. Ol ami i putim strongpela lukaut bihain long ol rebel paitman bilong Shining Path i kilim wampela sinia ami opisa. Ami opisa ya i memba bilong wampela grup husat i bin hollim pasim lida bilong ol rebel, Abimael Guzman Reynoso.



Nem misinari long Aitape go bek long Australia

OI APO kisim pe



• Pater Darby ... taim mi kisim malaria, mi ting bal mi dal.

Pater Mathew i tok.  
Pater Mathew i tok em i mekim wok we em i ting inap long em. Na em i laik go bek long Australia we em inap long stap klostu long ol dokta bilong em.  
Na tu em i tingting long mekim sampela wok pasto sapos ol bos bilong em i ken painim sampela wok long hap.  
Na tu em i lukluk long wok long stretim ol hevi namel long ol marit. Na helpim ol pipel husat i sik.

STEVEN KADIKO i raitim

OL edpos odeli (APO) long Wes Nu Briten bai kisim mani nau long hatwok bilong ol long gut taim i kam inap nau.

Provinsal asembli i oraitim pinis askim bilong Provinsal Minista bilong Helt, Joseph Palio long baim ol APO.

Bihainim tokorait bilong asembli, Mista Palio i tok WNB provinsal gavman bai baim K96,000 aninit long 1993 baset i go long ol dispela APO.

Mista Palio i tok klia olsem dispela helpim bai i go tasol long ol APO husat i bin stat wok long gut taim yet i kam inap tude. Na i no ol odeli bilong haus sik na komyuniti helt woka.

Ol dispela APO bai kisim dispela mani olsem long mak bilong K200 long wanwan yia. Na WNB gavman bai stat wantaim K96,000 long pinisim ol olpela gavman wokman.

Minista Palio i tok ol dispela pipel i mekim bikpela wok long helpim developim Papua Niugini fasol, gavman i no luksave long sevis bilong ol.

MESERY GUBAG i raitim

WOK em i bin amamas tru long wokim em long raitim stori bilong ol pipel husat i bin go wok long Katolik misin long Aitape.

Na long pinis bilong dispela yia, em bai go bek long Australia. Pater Mathew Darby i gat 78 krismas em i wanpela misinari bilong oda bilong Sen Francis ov Assisi. Na em i bin kam long Papua Niugini long 1946, long stretim na sanap ol haus lotu bihain long Woa II. Na dispela yia em bai go bek long Australia.

Em i bin kam wantaim narapela 6 misinari. Na ol i bin go long Aitape na stat wok long hap. Tripela wanwok bilong em i dai pinis na tripela i go bek pinis long Australia. Na Pater Darby em las man long go

nau. Wanpela samting i save mekim em tingim wok misin taim em i kam nupela long kantri em taim em i kisim sik malaria.

"Taim mi kisim malaria, mi ting mi bai dai. Bikos olgeta bun bilong mi pen nabaut. Taim mi sik, ol salim mi go long Madang. Bihain taim mi orait, mi go bek long Aitape.

"Long wok misin bilong mipela long Aitape, ol lain insait long bus i no save long God yet. Olsem na mipela save kisim ol lain bilong nambis i go wantaim long helpim mipela.

"Ol i bin amamas tasol long harim tok bilong God. Na i no bin hat long mipela long autim tok long ol,"

Planti bikman no kamap long askim bilong ol yut

WANPELA kibung bilong Mosbi Era Yut i no bin kamap gut. Bikos planti bikman ol i askim long go i no bin kamap.

Ol yangpela bilong Era Yut i bin tingting long tokaut long wok, na astingting bilong ol long kamapim dispela yut grup. Tasol ol bikman husat ol i askim long go long kibung i no bin kamap.

Wanpela man tasol husat i bin kamap em nesenel palamen spika, Bill Skate.

Era Yut em wanpela yut grup bilong Gumni insait long Simbu provins. Ol i bin statim dispela grup long yia 1990 olsem wanpela yut grup. Tasol ol i senisim i go long Era Yut Developmen Koperesen.

Siaman, Paul Dua i tok em i gat 24 memba, planti bilong ol dispela lain i no wok. Na tu planti bilong ol em ol raskol manki husat i save bikhet nabaut long Mosbi siti.

Dua i bin kamapim dispela grup long helpim ol yangpela pipel long stretim sindaun bilong ol.


Tasol long dispela tupela yia, ol i painim hat tru long kisim helpim long statim ol liklik wok bilong ol. Mista Dua i tok planti taim em i save lukim ol beng long kisim dinau tasol, ol i no save helpim em. Em i bin askim planti kampani tasol no gat wanpela i givim gutpela helpim.

Tingting bilong Era Yut em long baim wanpela masin bilong wokim brik o simen. Ol i tingting long baim dispela masin na karim i go long ples. Wokim brik na salim long liklik mani long traim helpim ol lain bilong ples long wokim ol gutpela haus.

Mista Dua i bin kros liklik taim em i painimaut olsem ol bikman i no kamap long dispela kibung. Tasol em i bin amamas long lukim nesenel palamen spika.

Mista Skate i tokim ol olsem em bai traim long givim helpim. "Planti lida i save mauswara tumas na mi no laik wokim dispela kain pasin," Skate i tok.

**HEY!**  
**Don't throw it away!**  
*YOUR USED PHONECARD COULD*  
**WIN YOU K500!**



A winning used phonecard will be drawn on the 14th December '92 and 25 January '93.

Monthly prizes of:-

- 1st — K250 Cash
- 2nd — K150 Cash
- 3rd — 7th — A K10.00 phonecard

The winners of each month will be published in the Post Courier on Friday of the same week.

PLUS a Special Draw on January 25th '93, for the 50 and 100 unit phonecard entries only.

Special prizes of:-

- 1st — K350 Cash
- 2nd — K150 Cash
- 3rd — 7th — A K10.00 phonecard

The winners of Special Draw will be published on January 29th '93.

**HOW TO ENTER**

- ★ Enclose your phonecard in an envelope and seal it.
- ★ Write your full name, address and phone number (if any) at the back of the envelope.
- ★ Mail the envelope to:-  
Used Phonecard Competition  
P.O. Box 6079  
BOROKO. NCD.



**Post & Telecom**  
Keeping you in touch





• Ol sapota i welkamim Presiden bilong Amerika George Bush (Iephan) na meri bilong em, Barbara, wantaim ol kempen opisal. Dispela em bihain long Bush i kam bek long kempen long Wait Haus. Tasol Bush i lus. Nupela presiden Bill Clinton bai tekova long Wait Haus long Janueri, 1993.

# Ol Britis soldia sut egens rebel paitman long Bosnia

OL soldia bilong Gret Briten i sut namba wan taim long sot gan egens ol rebel paitman long sentrel Bosnia long Novemba 7.

Ol rebel paitman i yusim sot gan wantaim masin gan na han bom na sut long 4-pela ami ka bilong Gret Briten. Dispela em long taim 4-pela ka ya i sekim wanpela rot namel long bes bilong ol long Vites na Tusla taun. No gat moa manmeri nau long Tusla taun.

Dispela birua i kamap long 10 klok moning, na katres i kisim wanpela ami ka. Ol Gret Briten soldia i lukim olsem na sut bek. Na sem taim ol i tanim na go bek long ami bes bilong ol.

Birua ya i kamap long hap em ol Krosia i wok long pait wantaim ol ol Muslim. Pait ya i go narakain we tupela wantaim i pait egens ol Sebja paitman long sem taim.

Ol Gret Briten soldia husat i stap insait long dispela birua i memba bilong Namba wan Betalian Jesaia Rejimen, na sampela man bilong namba 42 fil skwadron bilong ol Royel Enjinia.

I gat bilip olsem dispela em namba wan taim bilong ol Gret Briten soldia long sut egens ol bikpela birua long Yurop; bihain long Wol Woa II.

No gat bagarap i kamap long wanpela Gret Briten soldia long dispela birua. Bihain wanpela mausman bilong ami i tok: "Lukluk long sait bilong wok mipela i mekim, mipela save olsem bai i gat kain salens olsem. Tasol mipela bai mekim yet wok bilong mipela olsem mipela i bin plenim."

Sampela 1,200 Gret Briten soldia i stap pinis long Bosnia, na lukautim ol bikpela ka i karim saplai i go long ol manmeri na pikinini husat i bagarap long dispela woa. Narapela 1,200 soldia i go nau long mekim wankain wok.

*The Sunday Times*



*Meri winim sia long U.S. Senate* • Patty Murray, em I wanpela Demokret na i namba wan meri long ol i votim i go long U.S. Senate, makim Wasington Stet. Pikinini meri bilong em, Sara i sindaun long Iephan. Misis Murray i ansarim tellpon long kisim tok tenkyu long hetkwata bilong em long Seattle. Misis Murray em wanpela bilong 5-pela meri husat i winim ol sia long U.S. Senate long Tunde Novemba 3.

## OL LIKLIK NIUS

### Bisnisman kilim wan wok

**INGLEN:** Wanpela man Inglen i stap nau long haus kalabus long kilim wan wok bilong em. Nem bilong dispela man em Joseph McCracken, na i gat 45 krismas.

Em i sutim indai bisnis wan wok bilong em, Oliver Charles Morgan. Dispela birua i kamap long wanpela hotel long kantri Tailen.

### Rebel sut long ol turis

**ITALI:** Eitpela Jeman turis insait long wanpela bas i kisim bagarap taim sampela man i sut long ol long sot gan. Birua ya i bin kamap long Qena taun - long las wik.

Dispela em namba 4 birua egens ol turis, taim ol rebel paitman i tokaut olsem Qena i no gutpela long ol turis i lukluk raun.


### Meri lusim papamama

**INGLEN:** Wanpela yangpela meri Gret Briten i winim kot long lusim papamama bilong em, na kisim tokorait long stap wantaim tumbuna bilong em. Meri ya i gat 11-pela krismas tasol. Dispela em namba wan pasin long kamap long Gret Briten.

Long Septemba, wanpela boi Amerika winim kot long lusim papamama, na stap wantaim was papa na mama. Boi ya i gat 12-pela krismas.



• Wanpela lapun meri India wokabaut harlap na i laik abrusim ol beg wesani stap baksalt long umben klostu long ples bilong putim ol dalman long haus sik, insait long Srinagar amid. Ol rebel paitman bilong Muslim i straik long Jammu na Kashmir distrik.



• Bill Clinton (Iephan) bai tekova long Wait Haus olsem nupela presiden bilong Amerika long Janueri, 1993. Em i sanap wantaim mama bilong em, Virginia Kelly long Little Rock, long Arkansas.



# Australia sanapim 150 PNG bai lainim planti gutpela samting long ICOMOS kibung haus bilong ol plisman

HAI Komisina bilong Australia long Papua Niugini, Allan Taylor, long Mande Novemba 16, i givim 11-pela plis haus i go long Minista bilong Plis, Avusi Tanao, long Kimininga plis bareks long Hagen.

Dispela 11-pela haus em i hap helpim bilong Australia long PNG long sait bilong lo na oda program. Long wanem planti plisman long nau yet i no gat haus. Na tu dispela ol haus bai helpim ol plisman husat i save mekim haiwe patrol long wok gut.

Ol plisman husat i save mekim haiwe patrol insait long tripela haiwe long kantri bai kisim helpim i kam long Australia long putim kamap ol haus long dispela tripela haiwe. Tripela haiwe ya em Okuk haiwe (Hagen-Lae), Is Sepik haiwe na Kuluminski haiwe long Nu Ailan provins.

Mista Taylor i givim 11-pela haus ya i go long Mista Tanao bihain long ol plisman na ol manmeri i bung, na holim wanpela tumbuna singsing.

Ol bikman husat i bin kam na stap insait long dispela bung em Primia bilong Westen Hailans

provins Lucas Roika, Plis Komisina Henry Tokam, Seketeri bilong Dipatmen bilong Westen Hailans John Hosea, ol opisal bilong Hai Komisina bilong Australia (AHC) na ol arapela bikman na meri.

Hai Komisina bilong Australia i wokim tu nara-pela 49 haus. Mista Taylor i tok ol i wokim pinis samting olsem 150 haus long 28 hap olgeta insait long kantri long helpim ol plisman.

Wanpela kampani ol i kolim Prentis Bildas Ltd bilong Melben long Australia i wokim dispela ol haus. Dispela kampani i wok bung wantaim wanpela kampani ol i kolim Rivs Konstraksen Ensinia, na tu wantaim wanpela kampani long Mosbi ol i kolim Haginia Bildas.

Wanpela kampani long Australia ol i kolim Cardno na Davies i lukautim wok bilong wokim ol dispela haus.

Mista Taylor i tok kos bilong dispela projek inap long K8,900,000. Na gavman bilong Australia bai givim K7,400,000 na gavman bilong PNG bai givim K1,500,000.

DAIREKTA bilong Nesenel Misium na At Galari bilong Papua Niugini, Mista Soroi Eoe i stap nau long Australia long wanpela kibung bilong Australian Intanesenel Kaunsil (ICOMOS) bilong Monumen na Sait. Kibung ya i bin stat long Mande Novemba 16 na bai pinis long Novemba 22.

Hai Komisina bilong Australia na Air Niugini i helpim dispela wok-about bilong Mista Eoe.

Long dispela kibung, Mista Eoe bai bungim 24 manmeri husat i

save mekim wankaim wok olsem em. Dispela 24 manmeri i kam long Esia-Pasifik rijon.

Dispela bai i namba wan kibung bilong ol eksekutiv na edvaisori komiti bilong ICOMOS. Na tu kibung i kamap long namba 20 aniveseri bilong Wol Herites Konvensen.

ICOMOS em i wanpela memba bilong UNESCO. Mista Eoe bai toktok long planti samting insait long dispela kibung.

ICOMOS bai putim kamap wanpela nupela intanesenel speselis komiti long was long kainkain samting we i

stap aninit long solwara na ol wara. Na tu woksop bilong lukautim kainkain samting we i stap aninit long graun.

"Papua Niugini bai lainim planti gutpela samting insait long dispela kibung. Na tu bai kisim ol aidia long mekim wok bilong lokal kalsarel risoses menesmen," Mista Eoe i tok.

"Wanem samting mipela bai toktok i bikpela long wanem samting Nesenel Misium na At Galari bilong PNG i mekim pinis long ol yia i go pinis."

# Dademo tekova long Lokinap olsem nupela komanda bilong PNGDF

## WINIS MAP i raitim

MOA long 1,000 manmeri na pikinini i bin kamap long Murray Bareks, Mosbi long Fraide Novemba 13 na lukim Kenel Robert Dademo i kisim wok olsem nupela Komanda bilong Papua Niugini Difens Fos.

Kenel Dademo i kisim ples bilong olpela Komanda, Brigidia Jenerel Rochus Lokinap.

Lokinap i bin joinim ami long Desimba 11, 1964 na i stap wantaim ami long 24 yia olgeta.

Em i wokim las lukluk raun long lukim ol soldia long taim bilong gad ov ona. Na wokim las salut long ol ami em i bin komanda bilong ol.

Bihain long dispela,

Lokinap i givim bainat i go long nupela komanda, Brigidia Jenerel, Robert Dademo.

Dademo i wokim tok promis bilong em long wokim wok olsem komanda long ai bilong Jas John Brown.

Long taim bilong wokim las toktok, Lokinap i askim ol soldia long stap bel isi wantaim Difens Fos, gavman na ol pipel bilong Papua Niugini. "Bel isi tasol inap wokim olgeta wok i kamap gut," em i tok.

Lokinap i tokaut tu long sampela wok kamap bilong Difens Fos long taim em i holim wok olsem komanda. Insait long 5-pela yia bilong em olsem komanda, PNG Difens Fos i kisim ol nupela balus, pe bilong soldia i go antap, kamapim Waria trening skul na baim spesel



• Kenel Dademo holim Baibel na promis long ai bilong Jas John Brown olsem nupela komanda.

sekyuriti ka.

Em i askim tu nupela komanda na ol plena bilong ami long wokim baset long rot ol bai yusim mani. Bikos long 1993 baset, gavman i katim mani bilong

PNGDF i go daun. Gavman i bin katim K2 milien long baset bilong dispela yia.

Lokinap i askim tu ol soldia long wok klostu wantaim nupela komanda.



• Lokinap (lephan) mas na sekim ol soldia long las taim olsem komanda.

# Ol memba yut bilong PNGUYDP gat gutpela sans long painim wok

## MESERY GUBAG i raitim

OL yut husat i rejista wantaim PNG Anemployed Yut Asosiesen Divelopmen Projek (PNGUYDP) i gat gutpela sans bilong painim wok.

Bikos PNGUYDP i save mekim wok bilong painim wok bilong ol memba bilong em wantaim ol ogenaisesen nabaut. PNGUYDP i bin stat long 1991 aninit long dipatmen bilong Hom Afeas na Yut.

Na astingting bilong dispela grup em long helpim ol yangpela long painim sampela kain wok na daunim lo na oda hevi insait long Mosbi. Na nau PNGUYDP i gat klostu long 1,500 memba pinis. Presiden bilong dispela grup em Philip Rhambu.

Wanpela mausman bilong ol, Boaz Palizah i tok grup bilong ol i nupela. Tasol i kam inap nau, ol i kamapim planti gutpela samting pinis long helpim memba bilong ol long painim ol wok nabaut.

Rejistresen fi bilong ol wanwan memba em K50. Taim ol i rejista, ol memba i save sainim wanpela tokorait pepa long givim K20 i go long helpim ol arapela yut memba inap 1 yia taim PNGUYDP i painim wok bilong ol. Na dispela em long helpim grup bilong ol. Na tu long helpim ol arapela

memba long poket mani.

Mani grup ya i kisim i save go long akaun bilong ol. Na ol i save yusim dispela long baim ol samting bilong wok gaden na ol sid bilong planim. Na ol i save givim dispela long ol memba long planim na salim ol kaikai.

Taim ol i salim, ol i save givim bek mani inapim kos bilongol tuls na sid wantaim sampela win mani. Na wnaem hap i lep long en i bilong ol yet.

Mista Palizah i tok ol inap long mekim planti moa wok olsem helpim memba bilong ol long planim ol kaikai bilong salim. Na mekim ol arapela moa wok. Tasol ol i sot long mani.

Na long helpim ol, ol i save askim ol kampani nabaut long mekim ol wok olsem rausim rabis, wasim ka, katim gras na ol arapela wok long bungim mani na painim poket mani. Mista Palizah i tok ol i toktok pinis wantaim asisten seketeri long brukim sampela mani bilong yut long 1993 baset i go long helpim ol.

Ol i askim bikos ol i laik kisim wanpela opis spes long mekim wok. Na tu long baim graun long helpim ol memba long planim kaikai na kamapim sampela moa wok bilong ol. Na nau ol i wetim tasol bekim bilong ol lain long Hom Afeas na Yut opis.

## KAWANG MILITARY & CAMPING SUPPLIES

### ORDER FORM

Please send me the following:

1. .... Army Green/Black Bag K40
2. .... G. P. Boots (used) K40 (new) K50 (restricted)
3. .... Man Tent K70
4. .... 4 Man Tent K198
5. .... Pistol Belt (Green/Camo) K15
6. .... Green Hat K7
7. .... Camo Hat K7.20 (restricted)
8. .... Flying Jacket Green K65
9. .... Army Socks K11.20
10. .... Jungle Hammock K167
11. .... Mini Hammock K20
12. .... Nylon Hammock K25
13. .... Navy Blue Carry Bag K45

Price subject to change without notice.

Please tick  appropriate box and indicate number of items besides the box.

NAME: .....

ADDRESS: .....

PHONE/FAX: .....

I hereby enclose a bank cheque of PNG K ..... to Kawang Military & Camping Supplies, P.O. Box 4981, Boroko, NCD. PNG. Postage and handling K2 per item other goods on application.

Please note that items marked (restricted) are for discipline forces only.

A 100% NATIONALLY OWNED COMPANY



Agent moving to Wewak soon opposite to Air Niugini Wewak.



# Ol meri long Bilomi, no ken supim long trausis bilong man

**Dia Edita**  
Planti taim mi save lukim ol marit meri wantaim ol singel meri long Bilomi wel pam plantesis long Wes Nu Briten i save putim klos bilong ol man, na raun long plantesis na Kimbe taun. Ol i save putim ol klos olsem snot na trausis. Na stailim ol yet gut tru.  
Dispela kain pasin i save kirapim tingting bilong ol yangpela man long holim pasim na bagarapim ol. Na tu

i save kirapim tingting bilong ol yangpela man long askim ol long mekim pasin nogut.  
Tasol bihain ol dispela meri i save go long plis stesin na tokim ol plisman. Na ol plisman i save kirap na tokim ol olsem, "Em samting bilong yupela. Yupela yet i sikirap long kam olsem ol man, na ol i stretim wari bilong yupela."  
**Ambrose Skelpa KIMBE**

## Stretim Aitape taun hariap

**Dia Edita**  
Mi laik sapotim pas bilong brata Emil Aikon em i bin kamap long *Wantok Niuspepa* bilong Septemba 3.  
Long pas bilong em, Aikon i tok raskol pasin long Aitape i wok long kamap bikpela.  
Mi laik tok olsem mi no amamas long dispela kain pasin. Kain pasin bilong raskol i bagarapim gutpela nem bilong Aitape.  
Long bipo, no gat raskol pasin i save kamap long Aitape- Aitape taun em i wanpela gutpela liklik taun insait long Wes Sepik provins.  
Olsem na mi askim ol bikman long Aitape taun, na tu ol plisman long lukluk na stretim dispela hevi.  
Sapos yupela ol bikman na plis i no mekim wanpela samting nau, Aitape taun bai i go bagarap olgeta.  
**Tonny Seriamou RABAU**

## Redi nau long Bikpela

**Dia Edita**  
Mi no amamas long wanem samting brata Aumia Unama i bin toktok long pas bilong em. Pas bilong em i bin kamap long *Wantok Niuspepa* bilong Septemba 9.  
Unama i bin tok laip bilong tude i olsem long taim bilong namba wan praim minista, Sir Michael Somare.  
Olsem na mi laik tok olsem yumi olgeta i mas save olsem laip bilong bipo long gutpela em i gutpela. Dispela taim em i bin taim bilong stap bel isi. Tasol long nau, no gat tru. No gat wanpela gutpela man bai kamap olsem wanpela lida long senisim laip bilong ol manmeri.  
Yumi olgeta i mas save olsem pasin nogut i wok long kamap long olgeta hap long kantri bilong yumi. Olsem na laip bilong yumi long nau bai i no inap long senis.  
Ol lida bilong nau i wok long tingting tumas long laip bilong ol yet. Ol i no tingting long helpim gut ol manmeri bilong dispela kantri. Nogat tru ya. Bai yumi mekim wanem samting nau? Nau em i taim nogut.  
**D. Ogou-Una MOROBE**

## Shut Down ben painim singsing

**Dia Edita**  
Mi laik sapotim pas bilong brata S. Damson bilong Is Sepik. Pas bilong Damson i bin kamap long *Wantok Niuspepa* bilong Ogas 13.  
Em i tok Shut Down ben bilong Rabaul i no kukim PS Kantri, Wewak.  
Olsem na mi laik askim ol Tolai bilong Rabaul. Wanem taim tru Shut Down ben bilong Rabaul i kukim PS Kantri. Masi long giaman nabaut.  
Kain bilong ol Tolai save, painim singsing stret ya.  
**Max K Meyaki BIALLA**

## Ol meri no ken hatim bel

**Dia Edita**  
Mi laik sapotim pas bilong brata Index O. Pas bilong em i bin kamap long *Wantok Niuspepa* bilong Fonde Ogas 20.  
Em i tok long ol meri long stap isi taim ol man i askim laik long ol.  
Em i tru bikos dispela kain pasin bilong yupela long semim ol man tasol i save hatim bel bilong ol man.  
Na ol i save bagarapim ol meri na mekim nabaut long ol. Olsem na mi askim ol meri long no ken hatim bel na kros, taim ol man i askim laik long ol.  
**Diana Hubert BIALLA**

# Spak brus groa nabaut long ol wel pam blok

**Dia Edita**  
Long nau yet insait long Kimbe taun, mi lukim olsem pasin bilong smokim spak brus ol i kolim mariwana i bikpela tru.  
Dispela spak brus ol i planim long Wes Nu Briten yet o i kam long Hailans?  
Mi mekim dispela toktok bikos planti yangpela man husat i stap long ol wel pam blok i save smokim dispela spak brus.  
**Sakunah N KIMBE**

Na tu mi lukim olsem planti yangpela man i planim dispela spak brus nabaut long blok bilong ol.  
Olsem na mi laik tok olsem ol plisman long Kimbe i mas go raun long olgeta blok na sekim dispela spak brus.  
Na tu ol plisman i mas sekim ol manmeri husat i save kisim sip long Lae na go long Kimbe.

## EMTV no ken pilaim ol musik bilong waitman

**Dia Edita**  
Mi laik autim belhevi bilong mi long EMTV. Bikos ol i no save pilaim musik bilong Papua Niugini insait long progrem bilong ol 'Mekim Musik' long olgeta Trinde nait. Olsem wanem na ol i save pilaim musik bilong ol waitman tasol.  
Olsem wanem long musik bilong PNG. Ol i

nogut na ol i les long pilaim o?  
Mi laikim ol long traim na pilaim sampela askim bilong ol PNG musik tu long progrem bilong ol.  
Tenkyu.  
**Pangu Mawamk SOGERI**

## Kas bilong Simbu

**Dia Edita**  
Mi laik sapotim pas bilong Michael Kombu bilong Kokopo. Pas bilong em i bin kamap long *Wantok Niuspepa* bilong Septemba 10.  
Michael Kombu i tok olsem em i amamas long wanem Embil bai bringim ol gutpela sevis olsem skul, rot na tu em bai developim Nipa-Kutubu eria.  
Mipela i bin votim Embil i go bek long palamen bikos mipela i amamas long ol gutpela wok we i bin mekim.  
Embil i bin baim masin bilong wokim rot long Poroma i go long Kutubu. Em i bin stap namel long ol papa-graun na nesanel gavman na sainim agrimen bilong Kutubu wel projek. Na tu em i bin stretim Nipa haus sik.  
Mi laik tok olsem Embil em i wanpela gutpela lida. Na em i save lukluk long hevi bilong ol manmeri na stretim. Olsem na mipela i votim em, na em i go bek long palamen long stap olsem lida bilong mipela.  
**Kononowi Elai MENDI**

## Go lotu nau na bilip long God



**Dia Edita**  
Planti taim mi save harim sampela yangpela man na meri i tok ol i no save lotu. Na ol i tok ol yangpela man na meri bilong satan.  
Dispela kain toktok i no gutpela long ai bilong God. God i laikim yumi olgeta sin manmeri bilong dispela graun, na em i laikim yumi long tainim bel na bilip long Jisas, pikinini bilong em.  
Mi askim yu long opim Baibel

bilong yu long John 3: 16-17-18, 2 Tesalonika 1: 8-9. Lukim dispela long Baibel na lukim wanem samting God i laik tokim yu.  
Yu no ken givim baksait long God. Yu mas givim Ona na Glori i go long God. God i wokim yumi long lotuim em, na harim tok bilong em.  
Sapos yu husat man o meri i no save lotu long God, mi askim yu long tingting na senisim

pasin bilong yu. Opim Baibel bilong yu long Romans 2: 2-7.  
Nau em i taim bilong lotu long God bipo long bikpela bagarap i kamap. Sapos dua bilong kisim marimari i pas, yupela ol dispela lain bai lus long go insait long Kindom bilong God.  
Mi no wanpela Kristen tasol, mi autim dispela toktok long helpim yumi olgeta husat i no save go lotu, na i save bilip long satan.  
**Joe Sukma KIMBE**

## No ken seksek long ol maritman

**Dia Edita**  
Mi namba 3 pikinini long famili bilong mi. Namba wan em marit pinis, namba tu em stap yet na mi las. Taim mi stap long Mosbi, mi bin harim olsem susa bilong mi i gat bel.  
Mi go antap long Hagen na em i karim wanpela pikinini. Tasol pikinini i no gat papa. Olsem na mi askim susa long papa bilong dispela bebi. Na em kirap na tokim mi, "Em pikinini bilong wanpela bisnismen".  
Tasol mi no lukim dispela man i kam long haus bilong mipela o baim ol klos bilong pikinini ya. Olsem na

mipela i bin bringim em i go long kot. Na em i tokim kot olsem papa bilong pikinini em i wanpela maritman, na i gat wanpela gutpela famili.  
Tasol em i bin bungim susa bilong mi long wanpela danis. Na tupela i stat ong pren, na susa i bel.  
Nau yet susa bilong mi i painim hat tru long lukautim dispela pikinini. Olsem na mi laik tokim ol arapela susa, no ken bihainim ol maritman. Bikos ol i gat planti giaman pasin bilong ol.  
**Nellie Paul HAGEN**

## Mendi no gat pablik toilet

**Dia Edita**  
Mi no amamas long Mendi Taun Kaunsil. Bikos ol i no wokim wanpela pablik toilet long taun.  
Mi lukim planti manmeri i kam long Mendi, na ol i save painim hat tru long pekpek o pispis.  
**John Alka MENDI**

## Gavman na plis mas stapim trabel long Wiru Veli

**Dia Edita**  
Mi laik autim wari bilong mi long plis stesin bilong Pangia na Komo.  
Planti pipel long Papua Niugini i save olsem i gat planti trabel long ol ples olsem Pangia, na ol

arapela hap insait long kantri. Nau yet i gat bikpela trabel i kamap long Wiru Veli.  
Na husat stret bai stapim dispela hevi sapos i no gat plis long Pangia plis stesin? Ating dispela pait bai stap olsem tasol a?

Mi laik askim plis dipatmen na gavman long lukim dispela na mekim sampela samting hariap. Nogut olgeta samting go long han bilong ol kanaka.  
**Benny Taru POPODETTA**



## Tingting gut na raitim pas

**Dia Edita**  
Mi laik bekim pas bilong John Whyane. Pas bilong em i bin kamap long *Wantok Niuspepa* bilong Ogas 20.  
John, Ating yu wanpela het paul man stret long tok Rabbie Namallu statim Bogenvil Kopa Mainling.  
Yupela no gat tru ya. Sori tumas traim gen.  
**Johnnie Leslie BOMANA**



# Ol meri tu gat trausis bilong ol Rausim ol sekyuriti long Hagen Wabeg boda

**Dia Edita,**  
Mi save baim *Wantok Niuspepa* long olgeta wik. Na mi save amamas tru long ritim ol pas. Tasol mi no amamas long lukim sampela bilong ol dispela pas.

Mi save les tru long lukim pas bilong ol man i komplem long ol meri. Ol man i save komplem long ol meri i putim trausis.

Ol brata, yupela no ken westim taim bilong yupela long komplem

long ol susa bilong yumi. Yupela ol man i mas klinim gut ai bilong yupela, na lukim gut ol trausis. I no olgeta trausis long stua i bilong ol man. Ol lain husat i wokim klos i wokim tu trausis bilong ol meri. Na bai yu painim olsem trausis bilong ol meri i no wankain olsem bilong ol man.

**Jacob A. Lawson  
NAMATANAI**

**Dia Edita,**

Mi laik autim belhevi bilong mi i go long ol lain husat i save wok olsem sekyuriti long boda bilong Hagen na Wabeg.

Planti taim ol sekyuriti long hap i save giamanim ol pasindia na kisim mani long ol. Taim mipela ol wokman bilong Pogera i laik go raun long Hagen, ol bai stapim ka na askim mipela long lukim aidi kat. Na taim mipela i wetim ol long sekim mipela,

ol bai giaman na lukuk long wanwan pasindia. Taim wanpela i trompi pipa bilong smok o ol arapela liklik rabis, ol bai giaman tru na sasim ol dispela lain long K20.

Olsem wanpela pasindia husat i save ran planti taim long dispela haiwe, mi no amamas tru.

**Jack Leto Pali  
POGERA.**

## Bringim sevis long Lumi

**Dia Edita,**

Mi no amamas long ol provinsal memba bilong Lumi insait long Sandaun provinsal gavman.

Dispela ol memba i no wokim wanpela samting long helpim ol pipel. Yupela mas helpim ol pipel, bikos ol i votim yupela long kamap memba. Na wok bilong yupela em long kisim sampela sevis bilong gavman i go long ol.

Planti ples insait long Lumi distrik i no kisim gutpela gavman sevis. Sampela ples i no gat haus sik, skul, rot o wara saplai. Planti bilong ol dispela ples i stap longwe long Lumi gavman stasin.

**Aron Maisi  
WES SEPIK**

## Raskol pasin na spak brus bringim moa hevi nau long Okuk haiwe

**Dia Edita,**  
Planti man i smokim nau spak abrus long Okuk haiwe long Lae i kam i go long Mendi. Dispela pasin nogut i bikpela wantaim raskol pasin.

nogut?

Plis i slek na hat nau long mipela ol manmeri long stapim. Bikos pawa bilong ol plisman i no inap long winim.

Gavman bai stapim dispela hevi olsem wanem? Mi no save long wanem kain samting bai mekim tasol, tasol dispela pasin i mas stap.

Long ples Kompiri long Henganofi distrik, na Kainantu distrik, lsten Hailans provins, dispela em i wanpela bikpela hevi nau.

Husat tru inap long stapim dispela pasin

**John Yugoipa  
IALIBU**

## Autim olgeta EDF ripot long pablik

**Dia Edita,**

Mipela laik toktok liklik long lilektorel Developmen Fan (EDF) em nau gavman bilong Praim Minista Paias Wingti na namba tu bilong em, Sir Julius Chan i rausim pinis, na jonim wantaim Viles Sevis-es Progreem.

Luk olsem planti olpela memba bilong palamen husat i lus na i win long 1992 ilesen i gat bikpela amamas long gavman bilong Wingti na Chan long dispela senis.

Tasol inap Ombudsmen Komisen i sekim ripot bilong wanwan memba long ol EDF mani na putim i kam aut klia, na mipela olgeta pipel bai save gut long wanem ol wok wanwan lida bilong mipela i bin mekim long dispela EDF mani.

**Kifix Wilson  
Rex Rende Furegi  
Ombo Forukave  
MOSBI**

## Ol meri no ken bilas long trausis

**Dia Edita,**

Mi askim ol meri long harim tok na maski long so op na putim trausis na raun long taun. Sapos yu save olsem yu wanpela meri, orait taim yu go long stua, yu mas baim laplap, sket na dres. Na taim yu putim ol dispela bilas, bai yu kamap olsem meri stret.

Na sapos yu putim trausis, ol man bai kolim yu pasindia meri. Na dispela i no gutpela.

Taim papa God i wokim yu, em i no wokim man na meri. Em i wokim yu meri, na yu mas amamas long dispela.

Yu no ken dres olsem ol man, na i laikim senisim yu yet olsem wanpela man. Dispela no luk gutpela long ai bilong God.

**Milik Hopnal  
KIMBE**

Husat i laik salim pas i kam long edita i mas raitim stret nem na adres bilong yu. Na salim i kam long dispela adres: Edita, Wantok Niuspepa, P. O. Box 1982, BOROKO, N.C.D.

## Maski jeles long stail bilong ol manki Poroma

**Dia Edita,**

Mi laik bekim pas bilong brata Kore Mulipisa. Pas bilong em i bin kamap long *Wantok Niuspepa* bilong Fonde Oktoba 15.

Kore i komplem long pasin ol manki Poroma long Sauten

Hailans i save wokim. Em i tok ol manki Poroma i save putim longpela trausis na siot, kauboi kep, aiglas na han was olsem ol wokman na raun so op long Kimbe taun.

Brata mi laik tokim yu olsem,

yu no gat wanpela rait long toktok long bilas bilong wanpela man. Wanwan man na meri long dispela kantri i gat olgeta rait long putim wanem kain klos em ol i ting i gutpela long ol.

**Job Pake Gene**



# Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.

Olsem yu mas opim pasbuk akaun wantaim Nambawan Haus Moni bilong yumi. Stat nau long sevim moni long

peim skul fi, baim ol buk bilong skul na givim gutpela sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!



**PAPUA NEW GUINEA BANKING CORPORATION**



WANTOK

BISNIS LONG PAPUA NIUGINI

WANTOK

Kosmo Risoses no gat mani long katim timba long Josephstaal eria

CLEMENT MIRIA i raitim

KOSMO Risoses i no gat inap mani insait long kantri long stat katim timba long Josephstaal Timba projek insait long Madang provins.

Kosmo Risoses em wanpela timba kampani bilong kantri Kororia. Kampani i gat K675,000 dinau tu wantaim Papua Niugini Fores Atoriti. Long dispela mani, K175,000 em kampani i mas baim olsem beng garanti fi, K500,000 bilong statim wok bilong kampani, we i bin stap long tokorait.

Kosmo Risoses Pty Ltd i tokorait wantaim gavman bilong Papua Niugini na Madang provinsal gavman long katim 100,000 hekta timba long Josephstaal eria bilong Madang provins long 1990.

Kampani i bin plenim long stat katim timba long stat bilong dispela yia. Tasol hevi bilong mani i stapim wok long stat.

Ripot i tok Jenerel Menesa bilong Kosmo Risoses Pty Ltd, Mista Young Sang Oh i stap long Kororia, na i laik traim kisim sampela mani we em i gat wantaim Mama Beng bilong Kororia. Mista Oh i lusim kantri long 6-pela mun olgeta nau.

Gavman oraitim Hailans Gol long baim moa sea bilong Frieda Riva gol na kopa projek

MINISTA bilong Maining na Petroleum Masket langalio i oraitim Hailans Gol Limited long baim moa sea long Frieda Riva gol na kopa projek.

Dispela main projek i stap long boda bilong Is na Wes Sepik provins.

Mista langalio i tok dispela em gutpela rot long longpela wok bilong mekim narapela bikipela main wok insait long Papua Niugini.

Hailans Gol Limited em bisnis han bilong MIM Ltd insait long PNG. MIM Ltd em wanpela bikipela metal main kampani long Australia.

Siaman bilong Hailans Gol, Mista Fussell i tokaut long Fraide Novemba 4 long jenerel kibung

Wanpela man Filipino husat i wok wantaim Kosmo Risoses Pty Ltd, Ralph Feute i tok Mista Oh i no inap kam bek long Papua Niugini inap em i stretim olgeta samting wantaim Mama Beng bilong Kororia.

Em i tok Mama Beng i holim pasim yet mani bilong kampani, bikos long ripot bilong sampela paul wok long Kororia.

Mista Feute i tok olsem long Papua Niugini, em i sot nau long mani long ranim opis bilong kampani long Madang.

Em i tok em i no save long tokim gavman long wanem rot kampani i go nau, bikos em i nupela wokman bilong kampani. Na tu em i namba wan taim bilong em long lusim Filipin Ailan na i kam long PNG.

Long 4-pela mun olgeta, kampani i no ripot long wok bilong em i go long Papua Niugini Fores Atoriti.

Sampela ripot i tok Jenerel Seketeri bilong Papua Niugini Fores Atoriti, Michael Komtagarea odaim Kosmo Risoses long ripot long olgeta wok bilong em bipo long Oktoba 10, 1992.

Tasol i no gat save yet olsem Kosmo i ripot pinis long PNGFA o no gat. Ol wokman bilong PNGFA i no inap toktok long dispela samting.

bilong kampani, em i bin kamap long Mosbi olsem Hailans Gol i baim 15 pesen sea bilong CRA long Frieda Riva Gol na kopa projek.

Bipo Hailans Gol i gat 42.95 pesen sea. Tasol nau em i gat 57.95 sea olgeta. Dispela senis i mekim Hailans Gol i gat bikipela lukaut nau long dispela projek, em sampela kampani tu i gat sea long en.

Mista langalio i tok gavman i oraitim dispela senis long kamap.

Mista langalio i tok CRA i bin salim planti sea em i gat long ol main projek insait long kantri.

Ol saveman i makim olsem Frieda Riva i gat moa long 1 bilien tan pipia bilong gol na kopa aninit long graun.

Saina laik wokim kokonas faktori

MESERY GUBAG i raitim

WANPELA tred grup bilong Saina i bin kam lukluk ruan long Rabaul na Madang long kamapim faktori bilong mekim ol samting yusim ol kokonas bilong Papua Niugini.

Siaman bilong Kopra Marketing Bod, Joe Bae i tok dispela i soim olsem ol kantri i gat bilip long wok insait long kantri. Na muv bilong gavman long katim ol takis bai helpim tru ol kain wok olsem insait long kantri. Na bikipela samting em long givim moa wok long ol lokal pipel bilong kantri.

Dispela grup i lukluk long mekim faktori long kamapim ol kain samting olsem kokonas wel, wara, krim, sop, choklet na planti ol arapela samting yusim ol kokonas insait long kantri.

Long sem taim Mista Bae i tok em i amamas long muv bilong gavman long apim prais bilong ol kes krop olsem kopi, kopra, wel pam na kakao.

Em i tok dispela muv bilong putim moa mani i go long Stabex fan long helpim na apim pe bilong ol groa long ples i gutpela. Na long sait bilong ol pipel husat i save mekim kopra, em i amamas tru.

"Nau long dispela taim, yumi no save salim planti kopra i go aut. I gat planti lain long baim kopra bilong yumi." Tasol yumi no save salim planti bikos ol pipel i no mekim planti kopra.

"Mi bin toktok wantaim Egrikalsa ministra, Roy Evara. Na em i tok olsem ol bai sapatim prais bilong ol kopra inap long tupela yia. Na dispela i soim olsem ol bai sapatim klostu long 60 pesen bilong ol pipel husat i save mekim kopra insait long ol ples.

"Muv bilong gavman nau i wanpela gutpela samting tru. Bikos em bai mekim ol pipel long wokim moa kopra," Mista Bae i tok.

Em i tok nupela prais bilong kopra bai mekim planti moa pipel long wok.

Maket bihainim ol manmeri



• Ol sekyuriti bilong NCDC i save painim ol manmeri i salim buai na lus smok long kain maket olsem dispela long Gerehu bas stap, Mosbi. Tasol dispela sevis i helpim ken ol manmeri long bas stap long i no wari long go longwe long maket ples. Foto: David Rom.

PNGNBA bilip long makim 2000 bisnis na 10,000 wok long 1994

EDDIE SAUNDERS i raitim

BIKPELA plen bilong Papua Niugini Nesenel Bisnis Asosiesen (PNGNBA) em long makim moa bisnisman na meri em i ken long bgeta provins.

Na tu long grisim moa ol bikipela industri em ol Papua Niugini yet i papa long en long kamap memba bilong em. Nau yet tupela nesenel industri i kamap memba pinis.

Dispela nupela bisnis asosiesen i bin kamap long mun Ogas, 1992 bihain long wanpela kibung em i bin kamap long Madang. Insait long dispela kibung, ol i makim ol interim eksekutiv tasol.

Na long namba tu kibung bilong asosiesen em i bin kamap long Mosbi long stat bilong mun Novemba, asembli i makim ol ful taim eksekutiv.

Ol manmeri husat i kamap long kibung i kam long 13 provinsal asosiesen, na tupela nesenel industri asosiesen. Dispela 15 grup i makim 527 bisnis olgeta insait long PNG.

Bikipela astingting bilong PNGNBA em long traim makim olgeta bisnisman meri bilong olgeta provins aninit long wanwan provinsal ambrala. Long stat bilong yia 1994, PNGNBA i gat bilip olsem em bai makim moa long 2000 bisnis na 10,000 wok insait long kantri.

"Ol liklik bisnis em namba wan rot bilong kamapim wok insait long kantri, na tu i ken tilim mani

na sevis long olgeta pipel, na bringim mani na pawa long wanwan komyuniti," presiden bilong asosiesen, Elijah Digwaleu i tok.

I gat planti wok em PNGNBA bai mekim long helpim ol nesenel bisnisman na meri. Tasol bikipela wok em long givim tingting i go long gavman. Dispela em long olgeta wok i karamapim eria bilong kirapim bikipela ol liklik bisnis.

PNGNBA bai i gat wanpela mausman long bod bilong ol ajensi olsem Smol Bisnis Developmen Kopresen na Invesmen Promosen Atoriti (IPA). Dipatmen bilong Tred na Indasdtri na SBDC

i laik wok bung wantaim PNGNBA long kirapim ol progrem bilong strongim lokal bisnis.

Long bisnis plen bilong yia 1993, PNGNBA lukim olsem wok bilong skulim ol memba bilong em, em bikipela samting long developmen na promosen bilong ol lokal bisnis. Olsem na long neks yia, ol memba bilong en bai stap insait long 40 sotpela bisnis kos.

"Wok bilong mipela em long givim sevis, na mi save olsem dispela sevis em ol memba bilong mipela i laikim. Bikos dispela bai strongim wok bilong ol lokal bisnis. Mipela bai wok bung tu wantaim ol ajensi na gavman long strongim bisnis wok bilong ol memba bilong mipela," Vais presiden bilong asosiesen na mausman bilong Niugini Allan rijon, Henry Tavul i tok.

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Tobol, Kimbe na Kieta i stap olsem:

Table with 2 columns: Price type (Smoke, F.M.S, Hot Air) and Price (K263, K265, K268)

Na pe bilong kopra long ol liklik depo i stap olsem:

Table for SAMARAI with 3 columns: Price type (Smoke, F.M.S, Hot Air) and Price (K231, K233, K236)

Table for KANDRIAN na NAMATANAI with 3 columns: Price type (Smoke, F.M.S, Hot Air) and Price (K228, K230, K233)

Table for BUKA with 3 columns: Price type (Smoke, F.M.S, Hot Air) and Price (K227, K229, K232)

Table for FINSCHHAFEN with 3 columns: Price type (Smoke, F.M.S, Hot Air) and Price (K223, K225, K228)

Table for LORENGAU with 3 columns: Price type (Smoke, F.M.S, Hot Air) and Price (K198, K200, K203)

Table for KEREMA with 3 columns: Price type (Smoke, F.M.S, Hot Air) and Price (K218, K220, K223)

Table for KARKAR with 3 columns: Price type (Smoke, F.M.S, Hot Air) and Price (K200, K202, K205)

CMB nau bai i no inap long kisim moa prais sapat long Gavman. Dispela i stat long Janueri 1, 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Table with 5 columns: Mande (9/11, 10/11, 11/11, 12/11, 13/11) and Tunde (K706, K730, K736, K735)

Table for Pe ol balya sasim long papa bilong fementri with 5 columns: Price (K721, K706, K730, K736, K735)

Table for Sapat prais with 5 columns: Price (K500, K500, K500, K500, K500)

Prais ol papa bilong fementri i kisim

Table with 5 columns: Price (K1221, K1206, K1230, K1236, K1235) and description of prais bilong kakao

KOPI

Pe bilong drai arabika na robusta kopi long wanwan kilogram long Novemba 9, 1992. Dispela i karamapim prais bilong kopi long dua bilong faktori, na i no long sait bilong rot.

Table with 2 columns: Arabika (Kainantu, Goroka, Minz na Banz, Hagen, Lae, Mumeng, Wau/Bulolo, Madang) and Price (K140, K135 to 140, K115 to 126, K120, K105, NQ, NQ, K90)

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Table for Robusta: Is Sepik (K70 to 90), Madang (NQ)

Ripot bilong ol arapela senta husat i save goim robusta kopi i no kamap.

RABA

Gavien faktori (ESP) - 21 t/kg, Doa faktori (Sentrel) - 36 t/kg inap long 39t/kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Drai long san em namel long K0.80 na K1.10. Drai long lektori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Table with 2 columns: Fuel type (Petrol, Diesel, Kerosin) and Price (47.9 toea, 37.2 toea, 43.8 toea) and BP logo



**WANTOK**

# BISNIS LONG PAPUA NIUGINI

**WANTOK**

## Ol Kerema tu gat namba long wokim na salim kaving

**ELIZABETH SOLOMON**  
i raitim

I NO ol Sepik tasol i save long wokim kain kain samting long ol diwai, mambu, kokonas olsem ol kaving na ol han krav samting.


Ol Kerema tu i gat namba long ol kain wok olsem. Tupela kain man husat i save wokim ol kain samting olsem em Richard Lei na Mathew Miri bilong Malalaua long Galp provins. Na tupela tu i gat planti stail bilong yusim han long wokim samting.

Stori bilong tupela i go olsem: wanpela taim Richard i stap na i mangalim ol han krav samting sampela meri i wokim. Orait em i kisim wanpela drai kokonas, brukim namel na stat long wokim dispela stail plaua ves olsem long pote.

Richard i tok pastaim em i skrapim sel bilong kokonas wantaim naip. Bihain em i yusim sanpepa long skrapim gen na vanisim long mekim em i sain. Orait las tru, em i gluim olgeta hap hap bilong kokonas wantaim.

Richard na Miri i bin lusim skul long 1970 na 1986. Tupela i save stap nating long Kilakila. Na taim tupela i lukim ol meri i save kisim planti mani long salim ol han krav samting, tingting bilong tupela tu i kirap long wokim kain samting olsem.

Richard i tok em i no wokim planti plaua ves tumas. Na sapos em i gat gutpela so samting, em inap wokim planti long wanpela de.



• Richard Lei i soim han krav em yet i wokim.

## Nupela grup pulim 32 rurel bisnisman

NUPELA bisnis asosiesen long Isten Hailans we i kamap long helpim ol liklik bisnisman long rurel eria i kisim bikpela sapot, na i gat bilip olsem wok bilong em bai i go het.

Isten Hailans provins Illiterate Bisnis Asosiesen i holim namba wan jenerel kibung bilong en long Goroka las wik. Na planti manmeri i kalap nogut long lukim ol namel bisnisman long Goroka i kisim sia olsem ol dairekta bilong dispela bodi.

Bisnisman long Goroka, Ubum Makarai em ol i votim olsem dairekta jenerel wantaim 8-pela arapela dairekta. Ango Ohuve em ol i votim olsem tresera namel long 18 arapela son kodineta.

Asosiesen i kisim sapot pinis long 4,000 bisnisman bilong ol ples. husat i mekim ol wok agrikalsa, planim ol gaden kaikai, lukautim kakaruk na ranim ol liklik stua.

Nau yet asosiesen i kisim gutpela sapot i kam long Minista bilong Viles Sevises, John Nilkare. Mista Nilkare i luksave nau

long kamap bilong dispela asosiesen olsem wanpela program bilong Viles Sevises Dipatmen.

Provinsal kodineta bilong asosiesen, Mista Baya Kiyong i tok ol namba wan wok i soim olsem olgeta wok bai i go het gut. Mista Kiyong i go pas long kamapim dispela asosiesen.

Em i tok 32 rurel bisnisman i memba pinis. Dispela em ol bisnisman husat i save mekim namel long K500 na K10,000. Na narapela 4,000 bisnisman i laik memba tu. Bikos asosiesen i gutpela long givim helpim, trening na lukautim pepa wok na beng sevis bilong ol bisnisman long ples.

Mista Kiyong i tok asosiesen i gat mama lo, na i lukluk long kamap inkoporetad. Dispela i min olsem asosiesen i ken mekim wok bisnis tu, bihain long ol nupela Bov ov Dairekta i kisim ol ful taim wokman.

Isten Hailans provinsal gavman i luksave long kamap bilong dispela asosiesen, na i givim opis spes na sapot

## Gavman grisim Amerika long kirapim kampani bilong kukim na tilim ol minerel



• Mausman bilong OPIC grup Peter Mekenzie (lephan), Tred na Industri seketeri Igara (namel) na Embeseda bilong Amerika Robert Farrand i stretim tok bilong bisnis wok namel long Papua Niugini na Amerika.

### MESERY GUBAG I raitim

TRED na Industri Seketeri Igara i bin tokim wanpela grup bilong ol Amerika bisnisman long Fraide, Novemba 13 olsem Papua Niugini i no gat kampani bilong kukim na skelim o tilim ol minerel i go wanwan.

Dispela grup, Ovasis Praivet Invesmen Koperesen (OPIC) i bin kam, raun long kantri long wan-

pela wik. Na ol i bin raun lukluk long ol bisnis na toktok wantaim ol pipel nabaut long ol rot bilong kirapim sampela wok insait long kantri.

Mista Igara i mekim dispela tok-tok taim em i miting wantaim ol. Em i tok PNG i no gat kampani olsem.

Olsem na sapos ol lain ya i gat sampela tingting long kam mekim bisnis insait long kantri, ol i mas lukluk long dispela sait tu. Em i tok tu olsem PNG gat planti kainkain risoses bilong graun.

Na Amerika i no ken lukim PNG olsem ol arapela kantri long Saut Pasifik sapos em i laik helpim long sait bilong ol wokman o mani. Bikos PNG i narakain long ol arapela kantri ya. Bikos long bikpela bilong em na ol risoses em i gat.

Long bekim tok bilong Mista Igara, mausman bilong grup Peter Mekenzie i tok ol samting ol i lukim long raun bilong ol i kirapim tru tingting bilong ol. Olsem na i luk olsem planti bai kam bek long lukluk raun gut long

bihain taim.

Long makim maus bilong grup, Mista Mekenzie i askim Igara long go long Amerika, na tokaut long ol bisnisman long hap. Na ol samting em i gat we ol inap long kam na wok long hia.

"Mipela i ken go bek na tokim ol pipel bilong mipela long PNG. Tasol ol bai i no inap tingting tumas long dispela. Tasol sapos yupela yet i kam na toktok, ol pipel bai lukim yupela na harim long maus bilong yupela yet," Mekenzie i tok.

Em i tok PNG i gat gutpela sans bilong mekim bisnis long sait bilong ol main, pis long solwara na ol arapela moa.

Mista Igara i tok long sait bilong PNG gavman, wanpela grup long dipatmen bilong em na Invesmen Promosen Atoriti bai go long Amerika neks ya.

Dispela grup i bin kam long PNG aninit long lukaut bilong Embeseda bilong Amerika long PNG, Robert Farrand na siaman bilong Invesmen Promosen Atoriti, Nigel Agonia. Astingting bilong dispela raun em long traime kirapim sampela wok bisnis na tred namel long PNG na Amerika.

## Minista askim NTC long stretim hevi bilong trening

DIVELOPMEN i no inap-kamap gut sapos yumi nogat ol save-man, na tu sapos ol saveman i no kisim gutpela trening.

Minista bilong Leba na Emploimen, Castan Maibawa i bin wokim dispela toktok taim em i opim kibung bilong Nesenel Trening Kaunsil (NTC) long Mande 16 Novmeba, long Gateway Hotel, Mosbi.

Trening em i wanpela bikpela samting we i save helpim man o kantri long kamapim gutpela bisnis, sindaun na strongim kalsa. Trening i save givim man save long samting em i wokim. Na kirapim tingting bilong man long wok na kamapim planti gutpela wok long save em i kisim, Mista

Maibawa i tok.

Mista Maibawa i gat bikpela wari long hevi ol wokman i save bungim taim ol i nogat gutpela trening. Na em i askim NTC long lukluk long rot bilong stretim hevi bilong trening, na kamapim trening program bilong ol praivet kampani na gavman dipatmen.

Sampela ol samting em i save kamapim hevi long trening em i no gat ol gutpela trening program i stap long Papua Niugini, yusim wankain samting long trening, yusim ol nogut trening, no gat wok bung long trening, kisim planti wokman bilong ol arapela kantri long wokim wok, ol lain i givim trening i no gat gutpela save.

## Buai maket longwe tumas long Goroka taun

WANPELA gavman wokman long Goroka i askim nau Isten Hailans Kapitel Atoriti long bringim buai maket i kam bek long taun.

Nau yet buai maket i stap Kefamo. Dispela em moa long wan kilomita ausait long Goroka taun.

Benny Sapu, wanpela wokman bilong Jastis Dipatmen i tok dispela tokorait bilong atoriti i givim hat taim stret long planti trangu grasrut manmeri. Bikos ol i save go ausait tru long taun long salim buai. Na kisim liklik mani long baim kaikai, na lukautim pikinini bilong ol.

Mista Sapu i glasim olsem dispela em bikpela mekimsave tru long ol papamama. Na i tok atoriti

i no mekim stretpela pasin. Bikos ol bikpela mani kampani na mani man i ken salim ol samting nogut bilong bagarapim laip bilong man olsem bia na smok long taun, na ol grasrut pipel husat i traime hat long painim mani long salim buai tasol, em atoriti salim ol i go ausait long taun.

Mista Sapu i tok em i no save kaikai buai. Tasol em i pilim nogut long taun atoriti i mekim hat long ol grasrut pipel husat i save givim sevis long planti tausen pipel long Goroka.

Mista Sapu i tok dispela tokorait bilong taun atoriti i kamapim sampela hevi gen. Bikos nau yet i gat blak maket bilong salim buai insait long taun eria.

### PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG
POM Alotau	K101	K1.01
POM Daru	K117	K1.17
POM Goroka	K114	K1.14
POM Hoskins	K140	K1.40
POM Kavieng	K234	K2.34
POM Kundiawa	K113	K1.13
POM Lae	K95	K0.95
POM Madang	K129	K1.29
POM Manua	K206	K2.06
POM Mendi	K136	K1.36
POM Misima	K155	K1.55
POM Mount Hagen	K132	K1.32
POM Popondetta	K59	K0.59
POM Rabaul	K187	K1.87
POM Tabubil	K189	K1.89
POM Tari	K153	K1.53
POM Vanimo	K234	K2.34
POM Wapenamanda	K141	K1.41
POM Wewak	K180	K1.80

Ol kago em hevi abrusim l6kg bai gat pe

### Exchange Rates

Bank buys at:	Notes	T/T
Australia	1.5077	1.4763
USA	1.0440	1.016
UK	0.6966	0.6697

Bank sells at:	Notes	T/T
Australia	1.4653	
UK	0.6565	
USA	1.098	
Solomon Islands	3.0964	
China	5.4451	
Fiji	1.5703	
Hong Kong	7.7394	
India	27.890	
Japan	124.24	
New Zealand	1.9233	
Philippines	24.076	
Singapore	1.6363	
Switzerland	1.4451	
Germany	1.5902	

Gold rates (in US\$):	per ounce	per gramme
	\$335.45	
		\$10.79



# Tupela Sirunki brata bruk



WANPELA taim tupela brata i bin stap long ples Sirunki long Enga provins. Tupela i stap long hap i gat tupela bikpela raun wara, na save lukautim i stap.

Tupela save poroman gut tru. Olgeta samting tupela i save mekim wantaim.

Tasol wanpela de tupela i kros. Tupela kros i go na bikpla brata singaut i go long liklik brata. "Yu dispela man ya, yu no save lukautim gut raun wara bilong yu. Yu stap save wantaim pik na pekpek bilong man. Pik na dok i save pulap arere stret long raun wara bilong yu, na i save smel nogut tru."

Tupela kros i go yet na bikpela brata singaut gen. "Raun wara bilong yu i wokim smel long raun wara bilong mi tu. Olsem na raun wara bilong mi i bagarap, na mi kisim sem nating. Long tumora bai mitupela i go long narapela ples, na stap long hap. Long wanem dispela hap em smel bilong man, pik na dok i bagarapim pinis."

Liklik brata harim na slip. Tasol long hap nait em kirap na tingting planti tru.

Bikpela tok bai mitupela go painim narapela hap long stap. Tasol em i krosim mi nogut tru long san. Bilong wanem bai mi go wantaim em. Mi ken go bilong mi yet.

Liklik brata kisim tingting olsem na hap nait yet em ran i kam daun, bihainim bikpela wara ol i kolim Lai. Em ting olsem bikpela brata i ken ran na bihainim em, em bai go pas.

Em ran tasol bihainim dispela bikpela wara i go na kamap long ples Birip. Em kamap long dispela ples na tulait i bruk.

Na em ran i go antap long wanpela maunten na hait long bikbus i stap. Em lukluk i go daun na ting bikpela brata bai singaut, na bihainim em i kam.

Tasol em i no lukim o harim wanpela nais i kam long bihain. Em wet i go inap san i kam antap olgeta. Em save pinis olsem bikpela brata i giaman em, bai em ranawe na bikpela brata tasol i stap.

Em i no wari. Em stretim hap ples na em wanpela i stap olgeta long dispela bikbus bilong ples Birip long sait i kam long Wapenamanda. Na bikpela brata wanpela i stap wantaim tupela raun wara.

Tude sapos yu go raun long ples Sirunki, bai yu lukim bikpela raun wara i stap long hap.



Na long nait, ples Sirunki i save kol stret. Bikos dispela raun wara tasol i save mekim ples i kol. Em tasol stori bilong mi.

Lawrence Itaital KIMBE



□ Kanage i save wok wantaim wanpela kampani long Wewak. Wanpela taim em i kisim ka bilong kampani na go raun long Kalindi. Na taim em i laik go bek long opis, wanpela waitman stapim em na kalap wantaim em long go long taun.

Tupela draiv yet long rot na ol wan wok bilong Kanage long opis i salim wallis long redio na tokim em long go bek harlap long opis. Taim Kanage i harim olsem, em kirap na bekim long tok Inglis olsem. "Yes, yes. I am Kanage. I am the spitim the ka the kamap klostu. Nau. No wari. I am the ron i go go."

Taim waitman i harim olsem, em lap indai stret long Kanage.

Moses Wain WEWAK

■ Shirley em nem bilong meri bilong Kanage. Na em i hap blut bilong Makam na Butibam long Morobe. Em i no go long skul bipo. Olgeta de em i save jeles long ol skul poto bilong Kanage. Olgeta poto em Kanage i sanap wantaim ol skul meri tasol.

Wanpela de Shirley go raun long Wewak taun na lukim wanpela meri. Meri ya i bin skul wantaim Kanage long haiskul. Shirley tingim nau meri ya i sanap wantaim Kanage long wanpela poto.

Shirley ran i go long paitim meri ya. Kanage lukim olsem na helpim olpela wan skul bilong em. Tupela wantaim raun Shirley.

Laki tru ol plisman i kamap na kisim ol i go long plis stesin. Misis Kanage (Shirley) i kamap popo pinis (pret), bikos em save olsem em i rong. Taim ol plis i askim em, ol pikinini bilong popo (ai wara) i stat kapsait long ai bilong em.

Ol plisman i lukim olsem na bikmaus, "Kam on raus long hia na go pinis! Dispela em i no blari popo setelmen. Em plis stesini!"

Maryleen Akusy WEWAK

## Meri no karim pikinini na man laik rausim



Dia Laiplain,

Mi bin marit tupela yia i go pinis tasol mi no gat pikinini. Planti taim mi save kisim meri bilong mi i go long haus sik tasol, no gat wanpela samting i kamap. Nau mi tingting long rausim meri na kisim bek mani mi lusim long baim em, na painim narapela meri long marit.

PUZZLED

Dia Pren,

Mipela i save olsem yu na meri bilong yu i gat bikpela wari tru bihain long yutupela i stap tupela yia wantaim na i no gat pikinini.

Yu save olsem mas i gat man na meri long kamapim pikinini. Wara bilong man i mas pas wantaim kiau bilong meri. Olsem na dispela hevi i mas stap long wara bilong yu o kiau bilong meri. Yu tok yu kisim meri bilong yu planti taim i go long haus sik. Na yu bin askim ol dokta long sekim yu

tu o no gat?

Sampela taim sik long bodi bilong yu inap stapim yu long kisim pikinini. Lukim wanpela dokta na askim em long sekim wara bilong yu.

Yu wari tru na laik rausim meri bilong yu, bikos em i no kisim wanpela pikinini. Tasol dispela i no gutpela pasin.

Yu bin maritim meri long kisim pikinini tasol o bikos yu gat bikpela laik na amamas long em? Yu save olsem meri bilong yu i gat wankain wari olsem yu, bilong wanem yutupela i no gat pikinini? Sapos dispela hevi i stap insait long bodi bilong yu, bai yu no inap kisim pikinini long arapela meri tu. Olsem na yu mas tingting gut bipo long yu brukim wanpela gutpela marit.

Sampela taim meri i no inap kisim pikinini sapos em i slip wantaim man taim em i gat sik mun. Meri inap kisim pikinini sapos em i slip wantaim wanpela man namel long taim bilong sik mun. Sapos man i no slip wantaim meri long wanpela wik bipo long dispela taim, bai i gat inap wara long kamapim pikinini.

MI LAIPLAIN

Salim ol hevi na wari bilong yu i kam long LAIPLAIN, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem bilong yu long hia.



Ol studen skulim pablik long lukautim komyuniti • Tripela Gerehu haiskul studen long Mosbi i rausim ol raskol nem long wol bilong klasrum long las wik. Ol i mekim dispela long soim ol manmeri long pablik long we bilong lukautim komyuniti na ol yet long stap kiln. Poto: David Rom.



# Dupnai lukautim spot long Wes Sepik PNGRFL no wari long Wagambie risain

## WINIS MAP I raitim

WES Sepik i gat nupela man bilong lukautim ol wok bilong spot insait long provins.

Dispela nupela spot kodineta em Aron Dupnai. Dupnai i wanpela biknem spotman bilong ron insait long kantri na em i gat nem long makim Papua Niugini long sampela bikpela resis ausait long kantri.

Dupnai i bin go kamap long Vanimo long Fraide, 13 Novemba long wok olsem nupela spot kodineta bilong provins. Pastaim long dispela Dupnai i bin wok wantaim Nesenel Spot Institut (NSI) long Goroka olsem wanpela kuskus. Na tu em i bin skul liklik long wok bilong ol kain kain spot.

Wes Sepik i no gat spot kodineta inap long wanpela yia nau. Olpela spot kodineta, Paul Samof i


bin lusim wok na go wok wantaim dipatmen bilong Sandaun olsem wanpela stav developmen opisa.

Samof i bin lusim wok long Novemba 1991 na no gat man i kisim ples bilong em. Provins i no bin kisim gutpela helpim long wok bilong spot bikos i no gat man i ranim opis bilong spot kodineta.

Olpela spot kodineta, Paul Samof i amamas long lukim provins i kisim wanpela gutpela man long lukautim opis bilong spot. Samof i tok Wes Sepik i wanpela provins husat i save painim hevi long kamapim ol kain kain pilai. Na kain man olsem Dupnai husat i gat planti save long dispela wok bai kamapim gut wok bilong spot insait long provins.

Samof i askim olgeta spotman na meri insait long provins long wokbung wantaim Dupnai.

"Dupnai wanpela i no inap mekim wok, em bai laikim helpim bilong olgeta spotman na meri long provins," Samof i tok.



• Joe Keviamé

PAPUA Niugini Ragbi Futbal Lig (PNGRFL) i no amamas tumas long ripot na ol toktok i kamap long ol niuspepa na redio long ragbi lig Kumul kosa, John Wagambie i lusim wok bilong em.

Presiden bilong PNGFRL, Joe Keviamé i tok dispela ol toktok i kamap i mekim ol sapota bilong ragbi lig insait long kantri i ting olsem ol eksekutiv bilong PNGRFL i no harim ol tingting bilong Wagambie.

Em i tok ripot bilong Wagambie i bin stap namel ol narapela ripot insait long wanpela kibung long Oktoba 9. Tasol ol eksekutiv bilong PNGRFL i no bin toktok long ol dis-

pela samting. Ol i skruim ol toktok bilong dispela ol samting i go long kibung bilong 27 Novemba.

Keviamé i tok dispela i kamap long givim inap taim long ol memba long statim ol developmen plen na stretim sampela samting long 1993 nesenel kalenda. Na wanpela eksekutiv tu i no bin givim ripot bilong em yet.

Tasol presiden i no amamas long ol toktok i kamap long niuspepa. Long wanem ol ripot i tok olsem wok bilong stretim 1994 intanesenel kalenda i bungim hevi nau bihain long Wagambie i risain. Na em i tok wok bilong makim nupela man long kisim ples bilong nesenel kosa i no hatwok.

Em i tok rot Wagambie i bihainim na risain i mekim PNGRFL i tingting planti. Long wanem em i no tok klia long ripot bilong em olsem em bai risain nau o bihain taim wok bilong em olsem kosa i pinis.

Keviamé i tok PNGFRL i no kirap nogut long Wagambie i risain. Long wanem em i bin toktok long risain planti taim bihain long em i kamap olsem kosa.

Em i tok olsem long nau yet, em i no inap mekim wanpela toktok long ol ripot bilong Wagambie. Tasol ol eksekutiv bilong PNGFRL i gat bikpela laik long wok bilong ragbi lig na long helpim na kamapim ol pilai bilong Papua Niugini.

## Goroka sot long mani bilong tonamen

### SAPE METTA i raitim

PARAGON Royals long Goroka i no gat mani bilong salim tim i go long Madang long pilaim fainal bilong nesenel Royals tonamen.

Goroka Royals i bin winim Lae long namba wan gem na autim tiket bilong Wapenamanda, 28-0. Na ol i bin sam-

bai long go insait long ol fainal taim ol bikman bilong tonamen i stapim pilai. Bikos ol i pret nogut trabel i kamap na ol i srukim taim bilong fainal i kan bihain long tupela wik.

Tasol ol opisal bilong Goroka Royals i no save sapos ol bai salim tim i go long Madang. Bikos ol i ting em bai kostim ol planti mani gen.

Kosa bilong tim, Raphael Sapea na wanpela sinia pilai ipisa Wanega i tok em bai kostim ol planti mani gen long go long Madang. Tupela i tok klap i no gat mani bikos ol i yusim olgeta mani bilong ol long taim bilong Goroka ragbi lig gren fainal, Cambridge Kap resis na Royals tonamen. Olsem na ol i painim hat long kisim mani na

salim tim i go long Madang long stap insait long ol fainal.

Sapea i tok klap bilong em i laikim samting olsem K1,000 long salim tim i go pilai long Madang. Klap bai traim askim ol lain husat i save go pas long Royals tonamen long givim ol dispela mani sapos ol i laikim Goroka long stap insait long ol fainal.



The Waterboard

## PUBLIC NOTICE

### RESIDENTS OF LAE

SEWERAGE CONNECTIONS

OFF CASSOWARY ROAD, HUON ROAD, SANDPIPER ROAD

Waterboard construction teams will shortly recommence work on connecting Lae residents off Cassowary, Huon and Sandpiper Roads to new sewers laid in the area as part of the K4.5 million Lae Sewerage Scheme.

For a short period only, connections to the new sewers will continue to be subsidised under the ADB SIP project, and the cost is only K50.

The period of subsidised connections will end on 31 March 1993, and thereafter Lae residents will have to pay the full cost of connecting to the new sewers, currently K550 to property boundaries plus the cost of a private plumber laying sewers within property boundaries.

In the interests of public health, the Waterboard commencing mid 1993 will be using powers vested in it by the National Water Supply and Sewerage Act 1986 to compel residents of Lae to join to the new sewerage system - if new sewers have been laid nearby, and if they have not already done so. Residents will not be given the option of continuing to use septic tanks or pan disposal methods. Non compliance with a notice to connect to a sewerage system is subject to a fine not exceeding K500.

It is clearly in the interests of Lae residents in the above areas to make application for a subsidised sewerage connection as soon as possible, and in any case before 31 March, 1993.

Application forms can be obtained from the Waterboard office located in Central Court building (Ground floor), 7th Street, Lae, or by post to the Waterboard, P O Box 2966, Lae, or by FAX 425772.

For further details contact William Walo (Project Engineer) on Telephone 42 3852, 42 3960.

Benson Gegeyo  
Managing Director

November 1992





## Hon. J M Nilkare long makim Viles Sevises na Provinsal Afeas OL PIPEL YET I KAMAPIM OL WOK NA GAVMAN BILONG OL

### Tok i go pas

Ol grup i kamapim dispela gavman. Na em i strong yet olsem long namba wan taim em i bin stat. Mi holim tupela wok long dispela kolisen, namba wan olsem lida bilong LNA na narapela olsem Minista bilong Viles Sevises na Provinsal Afeas. Nau mi raitim dispela toktok olsem wanpela sinia memba bilong dispela kolisen na man husat i lukautim dispela wok bilong provinsal gavman, na i no olsem lida bilong LNA.

Wanpela bikpela toktok nau i kamap long ol nius i sut long ol provinsal gavman. Tasol olgeta toktok bilong dispela i kamap i bruk na kamap bilong en yet, na i no bung wantaim ol arapela toktok na tingting bilong gavman. Long trupela sait, dispela olgeta senis i kam aninit long wanpela bikpela lain polisi. Olsem na nau, mi laik toktok long ol dispela polisi na wanem samting mipela i laik mekim wantaim ol provinsal gavman.

Gavman i luksave olsem ol provinsal politisen na ol sapota bilong ol bai toktok na komplem planti long dispela samting. Tasol ol pipel tu i no kism inap tok klia long ol dispela senis na polisi. Wok bilong mi nau em long lukim olsem ol pipel i kism gutpela na stretpela tok klia na i gat inap taim bilong paitim toktok long ol dispela samting. Na mi laik tok klia olsem dispela gavman bai givim ol inap taim na klia tok long skelim dispela.

### Ol bikpela polisi bilong kolisen gavman

Bihain tasol long nupela gavman i kamap, em i mas kamapim wanpela baset. Na long mekim olsem, em i mas painin na kamapim ol kain kain nupela polisi, ripot na tingting long kamapim wanpela as tingting. Sampela ol bikpela polisi bilong dispela gavman i kamap pinis long ol nius.

Praim Minista i tokaut long givim helpim mani i go long ol skol inap long K20 milien. Na em i tokaut tu long kamapim wanpela prais sapot skim bilong helpim ol wok bilong kakao, kopra, kopi, na welpam. Na sapos ol prais bilong ol samting i stap wankain yet olsem nau long 1993, dispela bai kostim gavman moa long K80 milien. Tasol gavman i lukim dispela ol wok olsem as bilong ol arapela developmen na wok long kantri.

Minista bilong Fainens na Plening i tokaut long sampela senis insait long ol takis lo long kamapim moa wok namel long ol manmeri.

Las gavman i no bin skelim hap mani long baset bilong en long bringim bek ol sevis i go long Bogenvil ailan. Olsem na dispela i bagarapim tru wok mani bilong baset. Long dispela baset, mipela i makim K32 milien bilong helpim na stretim gen Bogenvil ailan. Na dispela bai helpim ol long kamap olsem wanpela gutpela na strongpela han bilong Papua Niugini long ol wok developmen.

Na las tru i gat dispela bikpela toktok bilong Viles Sevises Program. Bikpela tingting bilong dispela program i sut long givim wok long ol ples na taun long kirapim na statim ol projek. Na long 1993, gavman i givim K12 milien long dispela wok. Ating dispela mani i no inap, tasol namba wan hap bilong dispela projek i sut long wok wantaim wanpela komyuniti. Dispela i kamap bikos mipela i no inap tromoi nating mani long ol samting i no gat as long en. Na long 1993, gavman bai givim moa mani bilong mekim dispela wok.

Long taim bihain, mi bai tokaut klia long wanem hap stret mipela bai statim nupela Viles Sevises program. Mi toktok pinis wantaim ol mausman bilong ol provins na tok klia olsem mipela inap kamapim dispela nupela program aninit long ol provinsal gavman nau i stap. O nogat, aninit long wanem nupela program em gavman i ting i gutpela long en.

Dispela olgeta samting i kamap aninit long wokbung namel long nupela kolisen. Dispela em wanem samting olgeta gavman i save mekim. Tasol baset bilong kamapim ol dispela polisi i skelim tu mak em olpela gavman i bagarapim mani pinis long en. Mipela i lukluk long ol rot bilong kism moa mani na kamapim moa wok. Bikos dispela em wanpela rot tasol bilong helpim ol pipel bilong mipela.

Dispela olgeta polisi i sut long tupela samting. Kirapim wok wantaim wanem samting mipela i gat long en na kamapim ol nupela wok. Sapos dispela i no kamap, ol pipel bai sutim tok yet long mipela na hevi bilong lo na oda bai go antap yet. Olsem na wok bilong mekim dispela ol samting i kamap tru i bikpela tru long ai bilong mipela.

### Mekim ol bikpela wok

Baset bilong dispela yia i lukluk moa long yusim mani. Mipela i mas tanim dispela ol ekstra mani bilong ol pipel i go kamap olsem ol wok. Na i no bilong go lus nating long ol pipia samting.

Mipela i mas kamapim moa gutpela samting olsem ol arapela ovasis kantri. Mipela i mas wokim na kamapim ol samting em mipela yet inap wokim long kantri na salim insait yet long kantri. Mipela i mas mekim ol pipel i kamap papa bilong ol wok na bisnis insait long Papua Niugini.



• Hon. J. M. Nilkare

Tasol mipela bai mekim ol dispela samting olsem wanem? Em bai nogut tru sapos dispela ol samting i tanim na kamap narakain. Kantri bai kism taim sapos prais bilong ol bikpela samting i stap daunbilo na i no gat prais sapot skim bilong helpim dispela. I gat bikpela wok i stap yet bilong mekim, olsem na mipela i mas kam bung wantaim na wok.

Mipela i mas bungim wantaim olgeta tingting long wok bilong yusim mani, politik, kirapim moa wok na kamapim ol gutpela sindaun. Dispela bai go long 1993 na long taim bihain.

Orait nau em taim bilong bikpela askim. Mipela i no inap lus. Tasol mipela bai mekim ol dispela polisi i kamap tru na karim kaikai long kirapim na helpim Papua Niugini olsem wanem tru.

Dispela nau i bringim bikpela toktok long stretim na senisim dispela kain rot bilong bringim sevis i go long ol pipel. I gat gutpela rot i kamap long ol nesenel na provinsal level, tasol i no gat as bilong dispela olgeta rot. Long tok stret, mipela i no gat gutpela lokal gavman, bikos dispela hap tasol i stap klostu tru long ol pipel.

Mipela i kamap wantaim ol polisi nau bilong traime senisim na stretim dispela rot bilong bringim ol sevis i go long ol pipel. Olgeta dispela i sut long kamapim gutpela kaikai na helpim long ol pipel bilong Papua Niugini. Na dispela samting i mekim mipela i narakain long ol gavman bilong bipo.

### Ol pipel tu bai wok

As bilong dispela em long bringim ol pipel i kam insait long wok bilong strong na holim wok bilong gavman na opis. Dispela bikpela baset i ken sanapim bodi bilong dispela, tasol ol pipel yet i mas kam na pasim na nilim ol dispela samting wantaim. Sapos mipela i no stretim dispela, mipela bai gat moa Bogenvil na ol pipel bilong Koiari bai kukim yet ol bris. Dispela ol nil na rop bilong holim gavman i no bin stap long ol gavman bilong bipo. Olsem na nau olgeta wok i paul nabaut. Na dispela gavman i laik senisim dispela olgeta samting, tasol olgeta i no inap kamap wantaim. Mipela long antap i tingim ol grasrut pipel na i laik bungim ol long gutpela rot bilong kamapim ol yet na kantri wantaim.

Mi laikim yu long stap isi na skelim rot mipela i laik bihainim long mekim dispela i kamap tru. Tasol yu i mas ritim olgeta stori bilong baset long klia gut long wanem

(moa long narapela pes)

bikpela piksa i stap long olgeta dispela samting. Yumi stat pastaim.

Mipela i laikim wanpela kain sistem bilong gavman em inap bringim ol sevis i go long olgeta komyuniti na pipel bilong yumi. Na ol pipel yet inap suvim nus tu long toktok na kamap wantaim ol tingting. Long mekim dispela i kamap tru, mipela i mas senisim sampela samting long givim sans long ol pipel bilong mipela long toktok long wok bilong gavman long olgeta hap.

Taim mipela i laik mekim ol dispela samting, planti toktok na komplem bai kamap long ol provinsal politisen na ol sapota bilong ol. Mi bilip dispela ol lain i no kism inap tok klia long wanem samting mipela i laik mekim. Ol man nating i laik wok long gavman, na ol i laik lukautim ol yet.

### Strongim ol lokal gavman

Mipela laik kamapim ol bodi wankain olsem ol lokal gavman na ol arapela wankain bodi insait long ol distrik na komyuniti. Long nau yet, dispela i no stap. Planti provinsal gavman i no gat ol samting na laik bilong kamapim ol dispela kain bodi.

Long taim mipela i laik kamapim ol dispela samting, mi bai tokim palamen long wanem wok ministri bilong mi i laikim long kamap long ol lokal na komyuniti gavman.

Ating bikpela asua mipela i bin mekim long taim bilong independens em long kamapim dispela ol polisi insait long mama lo bilong ol provinsal gavman tasol. Na planti pipel tu i no klia long wok bilong dispela bikos i no gat samting i soim rot bilong dispela mani na sevis long go long ol pipel.

Sampela provins na long Niugini ailan rijon i bin wok gut tru aninit long dispela sistem. Na wanem samting ol i bihainim i suvim mipela nau long traime kamapim dispela senis.

Planti provins i gat ol lokal o komyuniti gavman. Long ol arapela, pasin tumbuna i stap bikpela yet.

### Ol provinsal atoriti

Gavman i laik kamapim ol provinsal atoriti aninit long ol dispela kain kain lokal na komyuniti gavman. Mipela i laik autim dispela long ol pipel na palamen long skelim na toktok long en.

Ol provinsal konstituens nau bai kamap olsem ol hap yunit bilong ol provinsal atoriti. Na wanpela bodi bilong gavman bai makim ol lain husat bai wok insait long ol dispela provinsal atoriti.

### Mi laik autim sampela tok piksa

Manus i gat 16 komyuniti gavman na 16 provinsal gavman konstituensi. Na long dispela piksa, wanpela komyuniti gavman bai makim wanpela man long stap insait long provinsal atoriti.

Long lsten Hailans i gat 8-pela lokal gavman kaunsil i lukautim 29 konstituensi. Orait wan wan kaunsil bai makim wanpela man bilong makim ol insait long provinsal atoriti.

Long ol hap i no gat wanpela lokal gavman, distrik menesa bai askim ol bikman bilong ples long bung na makim ol memba bilong olgeta provinsal konstituensi insait long eria.

Tasol mipela i no ken lus tingting long ol taun na siti. Aninit long provinsal gavman sistem nau, ol taun na siti atoriti i gat ol spesel ekts na lo bilong ol yet. Dispela bai stap yet na mipela i laik bungim ol dispela taun na siti atoriti wantaim ol lain bilong provinsal atoriti.

Long givim tupela tok piksa bilong dispela, Lae Siti i gat tripela provinsal gavman konstituensi. Olsem na Lae Siti Atoriti bai makim wanpela representativ long dispela tripela konstituensi bilong go insait long Morobe Provinsal Atoriti. Goroka taun i gat wanpela provinsal konstituensi na em bai makim wanpela memba long go wok long lsten Hailans Provinsal Atoriti.

I gat tingting tu olsem ol memba bilong nesenel palamen long wan wan provins bai kamap tu olsem ol memba bilong ol provinsal atoriti bilong ol.

Ministri bilong mi bai makim wanpela meri namel long ol arapela bilong stap insait long ol provinsal atoriti. Nem bilong ol meri bai kam yet long ol provinsal atoriti. Na ministri bilong mi bai makim.

Ol memba bilong provinsal atoriti bai makim siaman na namba tu siaman bihainim namba ol i gat long en.

Olsem na provinsal atoriti i kamap tu bihainim rot bilong ileksen. Tasol em bai no gat kebnet o eksekutyutiv. Na wanem toktok bilong provins bai kamap namel long olgeta memba long skelim. Olsem na bai i no gat planti pilai politik tumas long provinsal level. Na tu ol memba bilong atoriti i no inap kism pe long potnait olsem ol arapela wokman. Tasol ol bai kism alawens long wan wan de ol i kam bung long kibung.

Bihain long olgeta tripela yia, bai i gat senis i kamap long ol memba bilong atoriti. Tasol namel long dispela tu bai i gat ol senis i kamap yet. Wok bilong ol bai i wankain olsem bilong provinsal gavman long kirapim ol wok long provins, kamapim ol projek na lukim olsem ol pipel i kism sevis bilong gavman.

### Mani bilong helpim ol lokal level gavman

Bai mi tok gen olsem pawa we ol provinsal gavman i gat long nau yet na dispela nupela sistem i olsem ol gavman long lokal level i save kamapim provinsal atoriti. Provinsal gavman sistem long sampela rot i ken pinisim o daunim lokal gavman. Long wanem provinsal gavman i no save givim mani i go long ol lokal gavman long mekim gut wok bilong ol.

Dispela samting i mas stap. LNA (Lig fo Nesenel Edvensmen) pati, wankain olsem patna bilong mipela long dispela koalisen, i bilip long sistem bilong disentralaisisin. Mipela i mas fandim lokal gavman na ol komyuniti bilong mipela. Mi bai toktok hat tru long lukim olsem dispela samting i karim kaikai.

Levol bilong fandim ol provinsal atoriti long yia 1993 bai wankain olsem bilong dispela yia. Tasol long 1993 mipela bai traime long kamapim wanpela gutpela fomula we i no hat tumas. Long wanem bilong nau i hat tumas.

Insait long olgeta teksesin pawa we ol provinsal gavman i gat long nau yet, i gat wanpela teks we i mas sentrelais long kism mani gut. Dispela teks em sels teks. Ol provinsal gavman i save lukluk long namba ibilong ol manmeri (populesin) na kism sels teks we i no gat kos long en na givim i go aut long ol siti na taun atoriti, lokal na komyuniti gavman na ol narapela atoriti.

Wanpela gutpela we o rot long mekim dispela samting i kamap gut na bai i no inap long bagarapim CPI bai kamapim 2.5% impot levi we bai i go long gren bilong ol lokal gavman. Dispela kain indaitek teks bai kism ples bilong provinsal sels teks we i stap long mak bilong 2% na 5%. Dispela bai i no inap long bagarapim ol plen bilong bihain taim long senisim daitek teks i go long indaitek teks. Long wanem dispela bai fandim ol lokal gavman.

Dispela bai givim enual gren i go long ol lokal gavman, siti na taun atoriti samting olsem K10 long wan wan man na meri long ol rurel eria na K20 long wan wan man na meri insait long ol eben eria. Dispela i min olsem sapos populesin bilong NCDC em i 200,000, ol bai kism wanpela gren na ol narapela samting we inap long K4 milien.

Wanpela narapela eksampel em Gumini Lokel Gavman kaunsol husat i gat 45,000 pipel. Insait long dispela sistem Gumini Lokel Gavman kaunsol bai kism K450,000 olsem gren long wan wan yia. Na tu ol narapela alokesin we i kam long provinsal atoriti.

### Provinsal Administresin

Toktok i stap olsem ol provinsal seketeri bilong wan wan provins bai kamap olsem ol provinsal administreta.

Ol memba bilong provinsal administresin em dipatmen bilong provins, ol narapela atoriti we i kamap aninit long provinsal lo, ol steturiti bodi na ol wokman bilong provinsal gavman.

### Distrik Administresin

Insait long distrik level, ol wokman bilong ol lokal gavman na vilis sevis bai kism sapot i kam long distrik plening komiti. Dispela komiti bai i gat 10-pela memba. Dispela komiti ya bai i gat wanpela distrik menesa, ol nesenel memba bilong palamen na ol mausman bilong lokal gavman na ol narapela grup.

Wok bilong distrik plening komiti i bilong strongim ol komyuniti plen long developim wanpela distrik plen na givim tingting long wanem kain ol program na projek i go long provinsal atoriti. Na ol bai toksave long gavman long fandim dispela ol program na projek long stretim sindaun bilong ol pipel. Long distrik level olgeta pablik sevan bai wokbung wantaim olgeta grup, ol pat-taim vilis sevis woka long kamapim ol program we plening komiti bai lukluk na toktok. Na taim ol i endosim, dispela ol program na projek bai i go long han bilong administreta. Administreta bai lukluk long dispela ol program na projek na bi givim wanpela provinsal developmen plen i go long provinsal atoriti long aloketim ol resos.

### Trensinsinel Arensman

I gat tu ol trensinsinel arensman bilong dispela provinsal administresin sistem. Sampela em baim ol provinsal politisen long taim bilong ol long stap long opis i no pinis yet, trense bilong disentralais wok, na ol samting olsem invesmen long provinsal gavman, lo na ekt i go long provinsal atoriti. Dispela bai i lukluk long wanpela gutpela sistem bilong menesim promosesin na trenfis insait long pablik sevis.

### Las tok

Mi laik tok save olsem dispela bai i wok bilong mi long lukluk olsem dispela nupela provinsal atoriti na provinsal administresin plen bai kamapim gutpela provinsal developmen plen na program. Na dispela bai givim gutpela tingting i go long ol lokal komyuniti. Na tu dispela bai developim plening wok insait long ol distrik na komyuniti level.

I kamap long tok orait bilong Hon. J.M. Nilkare  
Minista bilong Viles Sevises na Provinsal Afeas.



---

---

# ***THE BENSON & HEDGES CUP***

---

---



---

---

**LAE**

**L.F.A. Grounds**

**THURSDAY 19th – SUNDAY 22nd NOVEMBER**

---

---





# BENSON & HEDGES SOFTBALL

Wantok

## Yokomo no kusai moa

### PORT MORESBY WOMEN'S SOFTBALL ASSOCIATION INC. 1992 - 1993 SEASON DRAW - ROUND 1 WEEK 5: 21-11-92

Time	Team	Opponent	Grade
0900	Chebu 1	vs NGI 1	'A'
1030	GI/Gazelle 1	vs S/Wantoks 1	'A'
1200	United 1	vs Elcom 1	'A'
1330	Yokomo 1	vs All Stars 1	'A'
1500	Mazda Carps 1	vs G/Malangan 1	'A'
1630	N/Fuji 1	vs Royals 1	'A'
<b>Diamond Two</b>			
0900	United 11	vs All Stars 111	'C'
1030	Admiralty	vs UPNG 11	'C'
1200	DTI 1	vs G/Malangan	'B'
1330	Admiralty 11	vs Chebu 11	'D'
1500	Neighbours 1	vs City Tigers 1	'D'
1630	GI/Gazelle	vs All Stars 11	'B'
<b>Diamond Three</b>			
0900	Elcom 11	vs Karanas 11	'C'
1030	Tarungau 1	vs Norths 1	'AR'
1200	N/Fuji 11	vs Mazda Carps 11	'AR'
1330	Dodgers 11	vs NGI 11	'D'
1500	S/Wantoks	vs Dodgers 1	'B'
1630	Hanza Bay 1	vs Karanas 1	'AR'

### PORT MORESBY MEN'S SOFTBALL ASSOCIATION

DRAW - SUNDAY NOVEMBER 22, 1992.

A GRADE			
Time	Teams	Diamond	Umpires
9.30 - 10.45	G/Malangan vs I/Karanas	1	Naron
11.00 - 12.15	Hawks vs Manolos	1	Paivu
12.30 - 1.45	N/Fuji vs Chebu	1	Talim
2.00 - 3.15	N.G.I. vs Elcom	1	Mesak
3.00 - 4.45	M/Eagles vs F/Gazelle	1	Evald
B Grade			
9.30 - 10.45	N.G.I. vs N/Fuji	3	Terra
11.00 - 12.15	Elcom vs F/Gazelle	3	Sorang
12.30 - 1.45	G/Malangan vs M/Eagles	3	Tata
2.00 - 3.15	City Tigers vs Hawks	3	Sogai
3.30 - 4.45	M.S.C. vs N.B.C.	3	Misiel
C Grade			
8.15 - 9.15	Elcom vs D/Salle	2	Mesak
9.30 - 10.45	Versity vs Hanza Bay	2	Robinson
11.00 - 12.15	N/Fuji vs Chebu	2	Bunbun
12.30 - 1.45	M.S.C. vs Manolos	2	Naron
2.00 - 3.15	Hoodsco vs Karanas	2	Sogai
3.30 - 4.45	City Tigers vs Malangan	2	Talim

### GOROKA SOFTBALL ASSOCIATION WOMENS DRAW

Sunday November 22, 1992.

1. Gazelle	4. Wantoks
2. NGI	5. Brown Eagles
3. Elcom	6. Frameworks
Fixtures	
1230-1400 3 vs 1	I. William M. Womola Brown Eagles
1400-1530 4 vs 2	T. Turalom P. Varip NGI
1530-1700 5 vs 4	P. Chalapan A. Baru Frameworks
Mens Draws	
1m - Elcom	4m - Brown Eagles
2m - Frameworks	5m - Gazelle
3m - NGI	6m - Barbarians
FIXTURES	
12.30-1400 5m vs 4m	Barnabas A. Chalapan NGI
1400-1530 6m vs 2m	S. Womola O. Kaminiel Brown Eagles
1530-1700 3m vs 1m	R. Ralai S. Kalai Barbarians

### Mt Hagen Softball Association Results Saturday November 14, 1992.

"Women"	
Highway Rovers 1	vs Wantoks 8
Unicats 32	vs Elcom 5
"Men"	
Aviat 4	vs Hagen Strivers 10
Unicats 14	vs NGI 3

Sunday November 15, 1992.

"Women"	
Karanas 7	vs Royals 9
Brown Eagles 3	vs Hagstars 16
"Men"	
DSL 8	vs Gazelle 11
Elcom 14	vs Highway Rovers 6



• Sofbal gem namel long Gazel na Frame Work long NSI pilal graun long Goroka, las wiken.

### MESERY GUBAG I raitim

WANPELA las A gret sofbal tim bilong ol meri long Mosbi las sisen i kamapim pinis gutpela rekot long ol pilai bilong en long dispela yia. Yokomo i no lus yet long wanpela gem taim sisen i stat i kam inap nau. Ol i bin winim olgeta tim ol i pilai wantaim. Na long Sarere Novemba 21, ol bai pilai wantaim Allstars.

Allstars i wanpela nupela tim long resis long dispela sisen. Na ol tu i soim olsem ol i wanpela strongpela tim long pilai wantaim. Yokomo i soim wanpela bikpela senis tru long pilai bilong ol long las sisen. Na kamapim gutpela gem na i no lus yet long wanpela.

Olsem na sapos ol i laik winim gem bilong dispela wiken, ol i mas bihainim wankain stail

bilong pilai we ol i bin yusim long winim ol arapela gem bilong ol. Wanpela samting ol i mas tingim tu em long no ken mekim ol flabal.

Bikos ol outfilda bilong Allstars em ol meri husat i ken ron na ketsim bal. Na tu ol i mas lukaut long ol straikbal bilong ol meri Allstars.

Allstars long narapela sait i gat nem long putim bal long ol kona we ol pilai i no save tingting tumas long

was long en. Na dispela em long namba tri na wan bes bihainim lain stret.

Na dispela kain stail bilong paitim bai i bin winim gem bilong ol long las wiken wantaim ol Chebu, 4 -2. Long ol arapela A gret pilai i kamap long dispela taim, Yokomo i winim Elcom

5-1, Fuji i kilim NGI 5-0, United i salim long Wantoks 7-13, Mazda i wilwilim Royals na sempion tim bilong las yia Gazelle i bin pilai

wantaim ol, namba tu bilong ol Malangan.

Long ol gem bilong ol A gret man long Sande, Fuji i lus long ol Eagles 7-1, Hawks i autim tiket bilong Elcom 3-2, Malangan i bin kilim Chebu long wanpela wansait gem, 7-3 na Karanas i salim long ol Manalos, 3-4.

Gutpela gem bilong ol man long lukim long dispela wiken bai stap namel long ol Eagles na Gazelle bilong Mosbi.



• Dispela susa long ralthan i samsam liklik long bes. Dispela em stail bilong Mosbi sofbal reisi long las wiken.

### MADANG SOFTBALL ASSOCIATION WEEKEND DRAWS

Sat: November 21st 1992. (Diamond One)

TIME	FIXTURE	DIVISION
9.30am	Kabiu vs Baitabag	Junior
11.00am	Waterboard vs Newtown	Junior
2.00pm	Karanas vs Waterboard	B Grade
3.30pm	Elcom vs Newtown	A Grade

Women (Diamond Two)


11.00pm	Malangan vs Melanesian	B Grade
12.30pm	Kabiu vs Karanas	Karau
2.00pm	Waterboard vs Air Niugini	A Grade
3.30pm	Malangan vs Karau	Karau

Sun: November 11, 1992.

(Mens)		
12.30pm	Kabiu vs Newtown	B Grade
2.00pm	Karanas vs Kabiu	A Grade
3.30pm	Malangan vs Waterboard	A Grade

Womens

11.00am	Kalibobo vs Karau	B Grade
12.30pm	Royals vs Waterboard	Karau
2.00pm	Kabiu vs Karanas	A Grade
3.30pm	Kalibobo vs U/ Sisters	U/ Sisters





# Vanimo soka no pinis yet Resis bai hat moa long bipo

## ARI HABA i raitim

OLGETA senta long kantri i pinisim kik bilong 1992 soka sisen, na wanpela tasol i wok long hatim yet.

Vanimo i wok long stap yet long ol kik bilong raun tu, na dispela i bihain tru long planti senta. Kik bilong raun tu i wok long tait yet na ol i ting olsem ol pilai bai pinis sampela

taim long mun Desemba.

Nau yet ol eksekutiv i wok long redim ol samting long makim ol top 4-pela tim long tripela divisen bilong stap insait long ol fainal. Dispela i min olsem 12-pela tim husat i kik long tripela divisen bai pait hat tru long go insait long ol fainal.

Ol lain husat i no stap insait long dispela 4-

pela top tim i mas wasim su bilong ol na redi long 1993 sisen. Dispela 12-pela tim bai kik strong na 6-pela tasol bai stap insait long gren fainal bilong dispela yia.

Presiden bilong Vanimo Soka Asoisiesen, Vincent Tumpi i askim olgeta sapota na pilai long wokbung wantaim ol eksekutiv long pinisim ol kik hariap. Dispela bai givim gutpela

helpim long ol bos long stretim ol kik bilong gren fainal.

Tumpi i no laikim ol sapota na pilai i wokim nabaut long taim bilong ol fainal. Planti taim kik long Vanimo i no save pinis gut long wanem pait namel long ol pilai na sapota i save stapim ol kik. Na em i no laikim dispela kain pasin bilong ol arapela yia i kamap long dispela yia.

i kam long pes 24

Kamong, George Wavuri, Hans Kipu, Steven Wungs Elvis, Boki Veo, Kenny Tomi, Richard Wamei na Maksi Kamong.

### BURESONG: Wabag

Planti pilai bilong tim i kam long Morobe provins. Long Wabag ol i kamapim bikipela pret tru long resis. Na planti bilong ol i no nupela long pilai insait long ol bikipela kik. Ol pilai bilong tim em Yaling Yonas, Keke Bob, Jimmy Panu (kosa), Rafiyu Panu, Litson Okesing, Laines Kiwag, Ungu Liton, Rooe Okesing, Bob N.G., Gon Poi, Jingu Timmy, Benny Saa, Luke Jilling, Sowanu Panu, Kadum Poi, Tupas Panu, Saites Gibson, John Joseph, Dius Timmy, Sinles Aret, Charlis Patrick, Fredick Simon na Raymond Gurutu

### RAPATONA: Goroka

Dispela tim bilong ol boi Manus i no nupela long kain sempionsip olsem. Planti pilai bilong dispela tim tu i bin makim Goroka long nesanel taitel kik resis long Manus. Ol pilai bilong tim em Willie Bera, David Paguson, Martin Kolpen, Moses Modekewau, Peter Komboni, Kwiwe Kisokau, Noel Sassale, Luke Silik, Steven Poma, Tobias Corps, Esma Maibobo, Mairi Noni, Norman Chalapan, Noel Tamsen, Hillary John, Ben Konde, Kanua Konde, Jeffery na Steven Meakoro. Kosa em Augustine Tom.

### PTC ISIFONE: Lae

Planti pilai husat i bin makim Lae na winim taitel long Manus i bilong dispela tim. Ol i gat sampela intanesenel pilai tu long tim na bai winim lewa bilong planti lain long dispela resis. Ol pilai bilong tim em Akaipe William, Andrew Puy, Gidigia Nasa, Ereya Saun, Marcus Arin, Theo Dopenu, Dennis Jaiko, Arnold Yanum, Terry Puy, Nicholas Puy, Robert Titus, Essau Longobot, Fainan Romaso, Raymond Nasa, Pororo Zawi, Oscar Aba, Gawi Pusi, Roy Henao, Richard Kaizam, Reuben Yanga, Chris Yanga, Tommy Wanma, Apprentis Buassi, Ray Bawa, George Girigiri, Roy Topias

Daniel Kapen, Yawing Nasa, Dusty R. Jones, Petrus Ambie, Alfred Lanta, Amon Banduli na Prout Tovebase.

### MOMASE: Madang

Dispela tim i winim maina primiasip taitel long Madang soka resis. Na kepten bilong ol em golkipa bilong Papua Niugini. Wanpela mausman bilong klap John Tomongo i tok olsem ol boi Momase bai pilai long winim taitel. Na i no long westim taim nating. Ol pilai em Carson Victor (kepten), John Panu, Alfred Gabong, Elaizha Yaku, Rudolf Arugani, Pepi Baibe, Daniel Dou, Paul Kuno, Raymond Wambari, Chris Kaukesa, Michael Kanimba, Chris Mukar, Gilbert Ekapo, George Jangumai, Venantius Kopara, Nandang Dugg, Ernest Ago, Kumuna Mulul, John Ago, John Mukar, Jacob Lambert, Thomas Lambert, Masiai Ekiana, David Kaukesa, John Muksie, Anton Wangi, Mark Kami, Stanley Bureng, Juaru Masia na Eric Lambert.

### YUNIVESITI: Mosbi

Narapela tim husat bai kamapim planti pret long Lae em ol lain sumatin bilong Yunivesiti long Mosbi. Kosa Joe Turia i tok ol bai pilai long Lae olsem olgeta arapela gren fainal kik bilong ol. Ol memba bilong tim em Francis Kupe, Robert Papat, Russel Nari, Beneho Luluai, David Kari, Joseph Aisa, Batman Furigi, Desmond Waku, Malakai Kupesan, Bossy Wopai, Roy Karang, Steven Mune, Aloysus Valu, Tambi Simongi, Noel Vari, Pasek Naringi, Willie Bawasu, Eka Albert, Paul Igag, Polongoch Kepeniu, Greg Mek, Joe Turia (pilai/kosa), James Batley, John Davani na Dokta Moi Seneka (tim dokta)

### VITIAZ: Rabaul

Dispela tim bilong Rabaul i bin autim tiket bilong PNG nesanel tim bilong redi long Saut Pasifik Gems long las yia. Na planti bilong ol pilai husat i pilai long las yia i stap gen long tim.

## Stail bilong ol pablik sevan meri long Mosbi



• Ol pablik sevan meri bilong Mosbi i traim bun long soka long Klap Jemania(GFC) soka graun long Waigani. Dispela em long namba tri wiken bilong Mosbi Pablik Sevan soka resis long las wiken.

Planti manmeri tru i bin kamap long lukim ol gutpela gem, we i gat moa stail na pani. Kik bilong namba 4 wiken bai kamap long dispela wiken long GFC graun yet.

Sapos yupela stap nating long wiken na no gat wok bilong mekim, kamap tasol long GFC na amamasim yu yet.

## NPF kamapim nupela kain stail tim gen

i kam long pes 23

wantaim man.

Long dispela gem, wantaim DCA, gutpela wokbung namel long Mune na Dibela antap long fowatlain i karim bikipela kaikai na NPF i nilim DCA, 3-0 long namba wan hap. Long fulbek, lek bilong Ken Darius na Dickson Aopi i save was oltaim long rausim bal long ol birua. Na tupela i bin kisim wankain helpim i kam long Jackson Na'ah na Ian Tarutia long midfil.

NPF inap nilim DCA long dispela gem tasol pasin bilong ol long pilai kaskas na malolo long las minit i daunim ol. Olsem na DCA i sutim tupela gol hariap tru long dispela taim na bringim skoa i kam daun long 3-2.

Dispela em wanpela samting Darius, Aopi, Tarutia na Na'ah i mas lukluk gut na stretim hariap. Na maus bilong

pilai/kosa bilong ol tu i mas pairap oltaim long dispela samting. Bikos NPF i gat ol gutpela pilai na em i samting bilong ol yet long mekim driman bilong las yia i karim kaikai.

Ol arapela pilai tu i mas lukluk na givim bal oltaim long Mune. Em i gat gutpela spit na NPF i mas yusim dispela. Mune tu i mas lusim tingting long dispela kain pasin bilong pilai kaskas na malolo long las minit. Em i mas pilai olsem long namba wan minit i go inap long ful 60 minit i pinis.

Klostu ol bai dro o lus long DCA, na dispela i no gutpela. Bikos long namba wan na namba tu hap, NPF i bin banisim gut tru mak na kamapim gutpela pilai tru. Tasol long las minit, ol i laik malolo na ol smokbalus bilong Civil Eviesen i flai tasol

i kam na pairapim tupela bom. NPF i no inap larim dispela kain pasin long kamap gen sapos em i laik winim ol narapela tim.

Bikos long dispela wiken, em bai bungim ol boi bilong H/Board long Sande apinun. Ol boi bilong bris bai kamap long fil wantaim olgeta stail na pawa bilong ol long traim sutim nus bilong NPF. Olsem na NPF tu i mas stretim hariap ol dispela liklik asua bilong las wiken na kamapim ol kaikai.

Narapela tim husat i bin givim tasol gem bilong en i go long ol birua em NBC. Lands i winim ol, 2-0.

NBC i bin gat planti sans bilong sutim gol na winim gem long namba wan na namba tu hap, tasol olsem su bilong ol straiika bilong ol i save sutim bal i go arere o antap long gol-

mak. Godfried Niaka, Paschalis Atolou na James i bin gat planti sans bilong sutim gol tasol ol i popaia. Gutpela ol sans bilong Tom Alau na Karo Gimana tu i go wara nating.

Na long dispela wiken, NBC bai bungim biknem tim bilong las yia, PNGBC. Dispela ol boi bilong beng i gat namba long kik na Joe Ealadona wantaim ol lain bilong em i no ken isi long ol. Nogut bikipela trabel bai kamap.

Ol narapela gutpela pilai bai kamap long Sarere taim Works i bungim Justice, Elcom i traim bun wantaim Natres na Health i mekim save wantaim University.

Long Sande pastaim long NPF na H/Boards i kaikai tit, Teachers bai taitim bun wantaim ol telipon boi bilong PTC.





**LUKLUK**  
*long....*  
**SAITLAIN**

**BIKPELA** soka resis bilong nesanel klap sempionsip bai stat tude na stap i go inap long Sande.

Long dro i gat 10-pela tim bilong resis long tupela pul. Na dispela ol tim i kam long Mosbi, Lae, Goroka, Rabaul, Hagen, Madang, Enga na Manus. Na ol narapela hap olsem Vanimo, Wewak, Popondetta na Tabubil i nogat.

Mosbi i laki long resis bikos Papua Niugini Futbal Asosiesen i rausim tambu bilong en. Long taim bilong PNGFA Kap

**KAMAPIM LO BILONG SOKA NA BIHAINIM OLTAIM**

resis long Manus, em i no larim Mosbi long kik. Tasol nau em i givim ol sans.

Dispela i gutpela tasol nau i bringim askim long toktok bilong brukim lo na givim sans.

Long ol toktok bilong em, presiden bilong PNGFA i tok strong olsem ol klap na tim i mas bihainim lo bilong PNGFA. Olsem na wanpela klap bilong Wewak i no inap pilai long dispela yia. Long las yia, em i bin bungim Guria Mosbi long gren fainal. Tasol sans bilong em long traim bun gen long dispela yia i popaia pinis.

Wankain tasol, PNGFA i bin tambuim Mosbi long no ken go kik long Manus. Na em i gutpela bikos ol i no bihainim lo na ol las de PNGFA i makim long baim ol fi. Orait nau wankain samting i kamap long Wewak. Na PNGFA i sanap strong yet

long ol las de lo bilong en.

Tasol bilong wanem na em i larim Mosbi long kik na lusim ol tim bilong Wewak i stap nating. Dispela bekim olsem nupela eksekutiv i lukautim ol wok nau i opim rot bilong Mosbi i no gat kik tumas long en. I mobeta i mas gat gutpela wok painimaut na skelim i kamap long dispela pas-taim long ol kain lo olsem i kamap.

Bikos soka long Papua Niugini bai stap longpela taim yet.

Long ol tim husat bai kik stat long tude, gutlak na pilai gut olsem ol spotman bilong painim nambawan klap bilong Papua Niugini.

**Mosbi Pablik Sevan Soka:**

Ol kik resis bilong ol lain wokman na meri bilong gavman long Mosbi i wok long go het gut tru. Na dispela em i namba tri wiken bilong ol kik.

Long las wik, presiden bilong PSSA i singaut na askim olgeta klap long bihainim lo bilong asosiesen. Nau toktok bilong lo i kamap gen.

Em i laikim ol tim long no ken putim moa long 5-pela pilaia bilong PMSA long wanpela gem. Na tu ol pikinini bilong ol wokman na meri bilong gavman wantaim ol lain husat i no wok long gavman i no inap pilai.

Dispela samting presiden wantaim ol lain bilong em i mekim i gutpela. Tasol i mobeta, ol i mas lukluk gut long planti arapela tim husat i wok long brukim ol dispela lo. Na i no ken sutim tok oltaim long ol sampela lain tasol.

Wanpela komplem i bin kamap long las wiken bikos sampela lain i no amamas long wanpela pilaia bilong wanpela tim.

**EASTERN PAPUA CARNIVAL SOCCER TOURNAMENT DRAW**  
Saturday November 21st, 1992.

**OPENING CEREMONY**

0700 Gates open, all teams arrive  
0745 All teams assemble (alphabetical order)  
0815 Kila Youth Band and guest speaker arrive  
0830 Marching  
0900 Opening speech by guest speaker  
0915 Prayer (combined youth)  
0940 Youth Band lead marching out  
1020 Games commence

**DRAW**

Bisini One (1)		
Time	Games	Division
1020	Gordons (1) vs Mni	M
1110	Maha'ama vs A/Bay	M
1200	Togelu vs LSC	W
1250	Lagimi (2) vs Ambo	M
1340	Batu (2) vs Tufi Marlet	M
1430	Oyabia vs Dodoegu	M
1520	Gerehu (2) vs Rabaraba	M
Bisini Two (2)		
Time	Games	Round
1020	S/Axe vs Weramaka	1
1110	Lagimi (1) vs Batu (1)	1
1200	Gordons vs Gerehu	1
1250	Gerehu (1) vs Northeast	1
1340	Tamarox (2) vs Gordons (2)	1
1520	Kula vs Boroko (2)	1

Key: M - Mens game  
W - Womens game

NB:  
1. All round robin games are 20 minutes each half, five minutes break and five minutes interval from end of a game start of another.  
2. Tosses are to be conducted by game referees or officials prior to taking the field to minimise delays.  
3. Gate fees: Adults - 50t Children - 20t

**Sunday November 22, 1992.**

Time	Games	Division
0700	Togelu vs Simla (2)	M
0750	BMB vs Naniu	M
0840	Kula vs A/Bay	W
Round		
0700	Yabwau vs Luba	1
0750	Boroko (1) vs Simla (1)	1
0840	Tokarara vs Batu Sis	1
0930	Service - (Combined Youth)	
Division		
Time	Games	Division
1020	Naniu vs S/Axe	W
1110	S/Axe vs Boroko (2)	M
1200	Lagimi (1) vs Gordons (2)	M
1250	Weramaka vs Gerehu	W
1340	Kula vs Tamarox (1)	M
1430	Tamarox (2) vs Northeast	M
1520	LSC vs Luba	M
Round		
1020	Boroko vs Dodoegu	1
1110	Gordons (1) vs Ambo	2
1200	Maha'ama vs Tufi Marlets	2
1250	Tamarox vs LSC	2
1340	Lagimi (2) vs Dodoegu	2
1430	Batu (2) vs Rabaraba	2
1520	Oyabia vs Simla (2)	2

**Stail bilong NPF senis olgeta**

**FRANCIS ULIAU i raitim**

WANPELA tim husat inap kamapim bikpela pret long pablik sevan soka resis bilong ol man Mosbi long dispela yia em NPF.

Dispela tim bilong ol boi long Nesanel Provi-den Fan i bin go insait long resis long las yia tasol. Na bihain long wanpela sisen na tripela namba wan gem bilong dispela yia, NPF i soim pinis olsem dispela yia bai i narakain liklik long ol.

Kain pilai bilong ol nau i no hat long skelim na kamapim kain tingting olsem. Tasol wanem samting tru i mekim dispela i kamap insait long fil i no klia tumas.

Long ol dispela lain boi bilong NPF, wanem samting i kamap long fil i bihainim tasol wanem samting i bin kamap ausait na long taim bilong trening. Nupela kain pasin bilong ol nau long trening na wokbung i helpim long kamapim dispela tim nau inap long pretim planti arapela lain.

Sampela tokwin i kamap bihain long pilai las wiken tu i strongim wanpela bikpela tok bilong ol lain NPF long

las yia. Long dispela taim, ol i kamapim bikpela pret tasol ol i no go insait long ol fainal. Na ol i tok strong long brukim olgeta mak na go insait long gren fainal bilong pablik sevan soka long dispela yia.

Driman bilong ol arapela tim olsem PNGBC, PTC, DCA, NBC na ol planti arapela i wankain tasol long ol boi NPF. Ol tu i laikim primiasip taitel bilong Mosbi pablik sevan soka resis.

Wanpela man husat inap mekim ol dispela samting i kamap tru em PMSA pilaia bilong Moukosi na pilaia/kosa bilong NPF, Kawetan Pombuai. Em bai kosa na pilai wantaim Steven Mune na Benson Dibela long fowat-lain.

Long ol tripela wiken gem bilong ol i kam inap long las wiken, NPF i bin dro wantaim Teachers 0-0, em i lus long PTC 1-0 na i wilwilim DCA long Sarere, 3-2. Long olgeta dispela gem, NPF i soim tru kain stail bilong ol long pilai stret na pilai wantaim bal. Ol i no tingting long pilai i go moa long pes 21



• John bilong NPF long raitim i no givim sans long birua bilong em.

**PNGFA givim tok lukaut long Wewak**

i kam long pes 24 i tok klia long dispela mausman olsem ol i let pinis.

Em i tok ol i no amamas long dispela kain pasin bilong Wewak United. Bikos ol klap na asosiesen i mas bihainim lo bilong PNGFA. Na em i no inap isi long ol lain husat i laik kaskas long ol lo bilong nesanel bodi.

Long gren fainal las yia, Wewak United i bin

bungim ol lain bilong Mosbi Guria.

Wantok Niuspepa i no inap kisim ol toktok bilong presiden bilong Wewak Soka Asosiesen, Dokta Charles Warangi.

Long narapela samting, sempionsip kodineta Edris Kumbuwah i tokaut olsem wok bilong stretim ol haus slip na wokabaut bilong ol tim i stap long han bilong wan wan klap yet. Na Lae i no

ken wari long ol dispela samting.

Em i bin mekim ol dispela toktok long bekim ol toktok bilong presiden bilong Lae soka, John Peka olsem ol tim i no tok klia yet long em long ol samting.

Peka i tok asosiesen bilong em i amamas tasol long helpim na stretim sindaun na wokabaut bilong ol klap, tasol ol klap i no givim ol helpim long mekim dispela i

kamap.

Kumbuwah i tok em i amamas tru long lukim LFA i mekim dispela kain pasin, tasol i no amamas olsem ol klap i no soim laik long givim helpim tu.

Em i askim nau olgeta klap, tim, na pilaia long wokbung wantaim ol gutpela spotman.

Sempionsip bai stat long Fonde moning na pinis long Sande. Olgeta pilai bai kamap long LFA Pak.







# BENSON & HEDGES SOKA

Wantok

## NCD PUBLIC SERVANTS SOCCER WEEKEND DRAW:

Time	Fixture	Division
8.00	DPM vs POSF	Men
9.10	DPM vs Housing	Women
10.00	Works vs Justice	Women
10.50	Works vs Justice	Men
12.00	Labcis vs Taxation	Women
12.50	Labcis vs P/McGregor	Men
2.00	Eicom vs P/McGregor	Women
2.50	Health vs Uni	Women
3.40	Eicom vs Natres	Men
4.50	Health vs Uni	Men

### SUNDAY NOVEMBER 22ND 1992:

8.00	Education vs DCA	Men
9.10	Education vs DCA	Women
10.00	PNGBC vs NBC	Women
10.50	PNGBC vs NBC	Men
12.00	Teachers vs PTC	Women
12.50	Teachers vs PTC	Men
2.00	H/Board vs NFP	Women
2.50	Lands vs H/Affairs	Women
3.40	H/Board vs NFP	Men
4.50	Lands vs H/Affairs	Men

Byes: CMB

## INSAIT long SPOT

• Dupnai lukautim spot long Vanimo...p19

• PNGRFL no wari long Wagambie...p19

• Yokomo no kusai moa long Mosbi sofbal...p21

• Vanimo soka fainal wok long stap yet...p22

• Stail bilong NPF long nau i moa yet...p23



Sofbal nius dro...p19

## NATIONAL CLUB CHAMPIONSHIP 1992 B&H SOCCER DRAW

POOL A	POOL B
PTC (Lae)	University (Port Moresby)
Guria (Port Moresby)	Waskia (Madang)
Rapatona (Goroka)	Menuwe (Manus)
Momase (Madang)	Westpac (Mt Hagen)
Buresong (Enga)	Vitaz (Rabaul)

WEDNESDAY NOVEMBER 18TH, 1992

5.00pm Managers Meeting - Lae Technical College

THURSDAY NOVEMBER 19TH 1992

8.00am	Games Opening Ceremony	
9.00am	1 Guria vs Buresong	G1
9.00am	2 Waskia vs Vitaz	G2
11.00am	3 Rapatona vs Momase	G1
11.00am	4 Menuwe vs Westpac	G2
1.00pm	5 PTC vs Buresong	G2
1.00pm	6 University vs Vitaz	G2
3.00pm	7 Guria vs Rapatona	G1
3.00pm	8 Waskia vs Menuwe	G2

FRIDAY NOVEMBER 20TH 1992:

9.00am	9 PTC vs Momase	G1
9.00am	10 University vs Westpac	G2
11.00am	11 Buresong vs Rapatona	G1
11.00am	12 Vitaz vs Menuwe	G2
1.00pm	13 Momase vs Guria	G1
1.00pm	14 Westpac vs Waskia	G2
3.00pm	15 PTC vs Rapatona	G1
3.00pm	16 University vs Menuwe	G2

SATURDAY NOVEMBER 21ST 1992:

9.00am	17 Momase vs Buresong	G1
9.00am	18 Westpac vs Vitaz	G2
11.00pm	19 PTC vs Guria	G1
11.00pm	20 University vs Waskia	G2
3.00pm	21 S/Finals vs B2	G1
3.00pm	22 S/Finals vs A2	G2

SUNDAY NOVEMBER 22ND 1992:

1.30pm	23 3rd and 4th place	G1
3.30pm	24 Finals	G1

# Nesenel klap sempionsip fiva...

# RESIS BAI HAT

# MOA LONG BIPO

TENPELA sempion soka klap long olgeta hap bilong kantri i pilai nau long winim Benson & Hedges Kap.


Resis bilong dispela i bin stat long asde long Lae. Wina bilong dispela taitel long las yia em Guria. Na em i bin holim tu inap long tripela yia. Kodineta bilong sempionsip long dispela yia, Edris Kumbuwah i tok resis bilong dispela yia bai hat moa. Na ripota JAMES KILA i skelim strong bilong ol klap husat bai kik long resis.

**GURIA: Mosbi** gren fainal bilong Mosbi Na ol bai pilai tu long  
Ol i bin go insait long soka long dispela yia. banisim dispela nesanel

taitel bilong ol. Ol pilaia bilong Guria em Ronald Simon, Adam Léma, John Folo, Pius Wai, William Enasi, Zara Borera, Charles Api, Vosap Eremas, Dixon G u a m b a , S i m o n Emmanuel, Eli Mali, Eric Petrus, Martin Laviong, George Yamre, Paul Komboi, Linus Kensak, Cyrus Mathew, John L a r d a , L a w r e n c e Mambu, Paul Albert, Geno Vevao, Winther Postri, Terence Sowni, Lewis Lavapo, Aisi Gewa, Jacob Bejigi, Yeni Barai ana Herman Karingu. Kosa em Adam Wangu na namba tu em Reuben Tama.

**WESTPAC: Hagen**  
Ol i gat planti ol yangpela nupela pilaia husat i strong long

bringim tim i kam antap na winim maina primiasip taitel long Hagen soka. Tupela pilaia bilong tim i bin stap insait long nesanel anda 20 tim na i go kik long Tahiti. Ol pilaia bilong Westpac Hagen em Joseph Yopyyoy, Sabak Silah, Nelson Letenge, Yapoi Pali, Emos Sebong, Martin Zimba, Alfred Ireiong, Greg Aikes, Bernard Aikes, Bernard Mohe, Titus Popa, Francis Umbung, West Kutus, Charlie Brown, Alex Sileh, Douglas Mareva, Andrew Siman, Jeffrey Bowie, Trevor Iruru, Vincent Gorien, David Umbi, David Lem, Otto Kaigu, Dominic Augustine, Waninara Kakat, Robert Upaiga, Smith i go moa long pes 22



## PNGFA tok lukaut long Wewak

JAMES KILA i raitim

PAPUA Niugini Futbol Asosiesen (PNGFA) i no inap oraitim wanpela klap bilong Wewak long pilai long nesanel klap sempionsip long Lae.

Presiden bilong PNGFA, Peter Mommers i tokaut long dispela bihain long Wewak i tok long salim ol tim.

Em i mekim dispela toktok bikos tim husat i laik pilai i bin baim ol afiliesen na rejistresen fi bihain tru long taim. Na dro bilong resis tu i no soim ol tim bilong Wewak.

Mommers i tok PNGFA i mekim dispela bikos asosiesen yet i gat hevi long painim husat tru em i maina primia. Wewak United i tok ol i maina primia tasol long wankain taim, presiden bilong Wewak Soka Asosiesen i tokim PNGFA olsem Medics em

maina primia.

Em i tok United i orait long toktok olsem ol i kam bihain tru long taim bilong rejisterim tim, tasol i tokaut yet long salim tim. Na ol i tok tu olsem ol i baim pinis ol pilaia rejistresen na klap afiliesen fi long beng.

"Tasol sapos ol i baim tru ol dispela fi, mi no gat hap pepa bilong beng long soim olsem dispela i kamap tru," Mommers i tok. Em i save tasol olsem ol i baim K700 pastaim long las de bilong ol rejistresen na afiliesen fi.

Presiden i tok wanpela mausman bilong klap i bin go long Wabag long givim em K300 olsem hap mani bilong tim afiliesen na rejistresen fi. Tasol em

i go moa long pes 23

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.





# TOBA MOTORS

does it again

**BUDGET  
BUSTING  
BARGAINS**



**HEY**




**TOBA  
MOTORS**



# BUDGET BUSTING BARGAINS

**UTES  
BUSES  
TRUCKS**

**MITSUBISHI  
L200**



**NEW L200 UTES**  
Priced From K8,990

**MITSUBISHI  
L300**




**NEW L300 BUSES**  
Priced From K11,490

**MITSUBISHI  
CANTER**



**CANTER TRUCKS**  
Priced From K16,490  
All with Dual Rear Wheels



**CANTER 4WD**  
reduced to K24,990  
for the wet season

**MITSUBISHI**



**FH100 5 TON  
CARGO TRUCKS**  
Now Only K28,990




**FP 418 14 TON Truck**  
Now Only K44,990



**FM 515 5 mtr DUMP TRUCK**  
price slashed to only K39,990  
3 Only 1 - LAE 1 - POM  
1 - Mt HAGEN



**FK 7 TON Truck**  
Now Only K33,990



**FM 515 8 TON Truck**  
Now Only K36,490  
**FM 557 10 TON Truck**  
Now Only K38,990



**FV 320 PS Prime Mover**  
Now Only K78,490

**CARS  
4WD'S**


**SIGMA**



**SIGMA V6 SEDAN**  
Under K40,000

\* NO TRADE IN  
\* NO K5000.00 LUXURY TAX  
\* LIMITED STOCK

**MITSUBISHI PAJERO**



**TOP OF THE RANGE PAJEROS**  
Under K40,000

\* NO TRADE IN  
\* NO K5000.00 LUXURY TAX  
\* LIMITED STOCK

**SAVE  
THOUSANDS  
OF KINA**




**HEY TOBA**  
MOTORS

*Go long Toba Motors na tok tok wantaim  
ol long NIUPELA Kar, Ute, Bus na Truck  
BAIM LONG NAMBAWAN PRICE*



# HONDA

## POWER EQUIPMENT



### HONDA POWER EQUIPMENT

Honda Big Bob Lawn Mower 21" wide cut 5.5 HP. K550

### HONDA GENERATORS

EG 1200X 1.2 KVA K650


EM 1900 1.9 KVA BUILT IN BATTERY CHARGER K875

EM 3000 3.0 KVA BUILT IN BATTERY CHARGER K1,150

EM 4500 4.5KVA BUILT IN BATTERY CHARGER K1,650



# Johnson<sup>®</sup> OUTBOARDS



30HP Long Shaft 92 model K1490.00

GAS OPERATED Tilt - Trim.

Super Special Price on 30HP and 19FT Banana Boat

40HP Long Shaft K2190.00

GAS OPERATED Tilt - Trim.

SPECIAL Price deal on 40HP and 23FT Banana Boat

1 Only 40 HP Demo Outboard K1850.00 - POM

1 Only 115HP V4 Outboard K5390.00 - LAE



### HONDA MOTOR CYCLES

XL 125s - K2490.00  
- Free Tank of Fuel

XL 185s - K2590.00  
- Free Tank of Fuel



# HEY



# TOBA MOTORS

**PORT MORESBY 21 7874**

**LAE 42 2611**

**RABAU 92 1866**

AGENTS:

Mt HAGEN  
WEWAK

52 1855  
86 2784

KIMBE  
ALOTAU

93 5035  
61 1246





# LOL KMAK

NAU PRES RILIS BILONG EM I GO LONG OLGETA NILUSMAN NIA MERI..



**MINISTER FOR YUTS**  
**PRESS RILIS**

MINISTA FO YUTS, HONOROBOL SIPAKI MAIK M.P. I LAIK INIVATIM OLGETA RIPOTAS I KAM LONG WANPELA FANSON LONG TREVOLDS

MAN, OLGETA RIPOTAS (OL SPAKMAN TASOL) I GO PULAP LONG TREVOLDS..



HE! HE! HE! MIPELA DRINGIM FRI BIA LONG NEM BILONG MINISTA YAH... SAUT BILONG EM!

OL I DRING NA WETIM MINISTA MAIK LONG KAM NA OPM FANSON YAH...



HEY? MINISTA I GO WE NA MIPELA I WET ISTAP?... EM WE?

TRU, YAH! MIPELA KISIM BIA LONG NEM BILONG EM YA!

DRING TASOL !! CHIC!

TASOL MINISTA I NO KAM... NAU MERI LONG BA I TOKIM OLGETA RIPOTAS LONG PEIM BIA...



SORI TRU... MINISTA I TOK SORI LONG YUPELA NAEMI TOK YUPELA YET I MASPEIM BIA YUPELA I DRING NAU TASOL!

PEIM BIAZ!

!?!?

NEKS DE EM TOKIM SEKRETERI LONG SALIM TOKSORI I GO LONG OLGETA RIPOTAS GEN...



...SALIM APOLOJI BILONG MI I GO LONG OLGETA RIPOTA!

OKE MINISTA!

MAN, OL I NO WANBEL LONG MINISTA YAH...




**BLARY 6\*?!? KUSAI MAN!!**

**MINISTA FOR YUTS**  
**PRES LILIS**

SORI TRU MAH APOLOJI... MI KANSOLIM PATI I GO LONG NEKS VIA... LUKIM!

**Gift Wrap INTEGRITY**



**TOASTERS OR RICE COOKER**

Choice of 3 models

- UR18c (1.8L) K49.95
- UR22c (2.2L) K59.95
- UR28c (2.8 L) K69.95

Prices may vary in outlying branches

**This Christmas**

Cool Touch Electronic 2 Slice Toaster

only **K32.95**







# REBO

REBO AMAMAS NOGUT TRU... OL I LID LONG PILAI NAU...



OL SAU EN ZON BEKIM DINAU... PILAI I STRONG TRU... SKOA I GO NAU LONG 8-12... OL KIUNGA I LID YET...



KLOSTU FUL-TAIM NA OL SAUTS I PAHA...



OL I TROMOL BAL IGO IKAM NA REBO INTASEPTIM BAL BILONG OL NA EM TEK-OFF...



KLOSTU LONG HAF-WE MAK BILONG OL NA EM SALIM BAL IGO LONG WINGA BILONG EM...



TOBENED SAIM TASOL NA PUTIM TRAI ANANIT LONG TUPELA POS...



HEY, OL WANTOK! MI SAVE LAIKIM TRU LONG RITIM DISPELA SENTA PES, LONG WANEM OL FEI-VARET KOMIK STORI I STAP LONG HIA! ATUS LOKET!!



**EM NAU!**

**WANTOK**

NIUSPEPA BILONG YUMI STRET OL GRAS RUTS BILONG PAPUA NIUGINIYA!



## Yakaipoko antap long piano

WANPELA saveman bilong pilaim kain kain musik long piano bai pilai long Mosbi long Sande.

Dispela man em Wiri Yakaipoko bilong Sauten Hailans provins. Na em i save wok wantaim Melanesian Hotel long Madang.

Dispela konset long Mosbi i sut long helpim wok bilong ol meri. Na Nesenel Kaunsil ov Wimen i go pas long kamapim dispela konset.

Mani bilong baim dua em K15 long wan wan man

long Mosbi Travelodge Hotel long taun.

Em bai pilaim 14 klasikal musik. Long ol dispela 14, tripela i bilong em yet. Dispela ol tripela klasikal musik em i raitim o kamapim em *Rainy Forest, Waves #1* na *Waves #2*. Ol arapela em *Maidens Prayers* (Bardeswuska), *Sonator* (Beethoven), *Dance Epanzola* (Gurigue Granolos), *Consolation* (Mendelsshon), *Fur elise* (Beethoven), *Piano Concerto* (Tchaikovsky), *Claire De lune* (Debussy), *Sonta* (Mozart), *Pas-sacaglia* (Handel), *The Entertainer* (Joplin) na *Nocturne* (Choplin).



• Wiri Yakaipoko i sindaun na traim ol pinga liklik antap long dispela piano long Madang.

THURSDAY 19TH NOVEMBER, 1992

5.27	STATION OPEN	
5.30	ITN NEWS	(G)
6.00	TODAY SHOW	(G)
8.00	STATION CLOSE	
1.27	STATION RE-OPEN	
1.30	MIDDAY SHOW	
3.00	WITH RAY MARTIN	(PGR)
3.00	KIDS KONA	(G)
	Sesame Street	
4.00	KIDS KONA	(G)
	Fat Cat	
4.30	QUICK DRAW McGRAW	
5.00	BEWITCHED	(G)
	"I don't Want to be Toad"	
5.27	EMTV TOK SAVE	
5.29	EMTV NEWS BREAK	
5.30	HOME AND AWAY	(G)
6.00	NATIONAL EMTV NEWS	
6.30	A CURRENT AFFAIR	
7.00	SALE OF THE CENTURY	(G)
7.25	CHIN H MEEN SUPER-SOUND NEW RELEASE	
7.30	NEIGHBOURS	(G)
8.00	WHO'S THE BOSS	(PGR)
8.30	ALL TOGETHER NOW: "The Sound Silence"	
9.00	THE GOLDEN GIRLS: Family Affair	(PGR)
9.30	MARRIED WITH CHILDREN: "Just Married...with children"	(PGR)
10.00	HEY DAD	(G)
10.55	CHIN H MEEN SUPER-SOUND NEW RELEASE	
11.00	NATIONAL EMTV NEWS	
	Replay	
11.27	MEDITATION WITH PASTOR WALO ARNI	
11.30	STATION CLOSE	
FRIDAY 20TH NOVEMBER, 1992		
5.27	STATION OPEN	
5.30	ITN NEWS	(G)
6.00	TODAY SHOW	(G)
7.58	EMTV TOK SAVE	
8.00	STATION CLOSE	
1.20	STATION RE-OPEN	

EMTV

1.22	CHIN H MEEN SUPER-SOUND NEW RELEASE	
1.27	EMTV TOKSAVE	
1.30	MIDDAY SHOW	(PGR)
3.00	SESAME STREET	(G)
4.00	KIDS KONA	
	FAT CAT	(G)
4.30	QUICK DRAW McGRAW	(G)
5.00	BEWITCHED	(G)
	"One Touch Of Midas"	
5.27	EMTV TOK SAVE	
5.29	EMTV NEWS BREAK	
5.30	HOME & AWAY	(G)
6.00	NATIONAL EMTV NEWS	(G)
6.30	A CURRENT AFFAIR	(G)
7.00	SALE OF THE CENTURY	
7.25	CHIN H MEEN SUPER-SOUND NEW RELEASE	
7.30	NEIGHBOURS	(G)
7.55	NCDC NEWS	
8.05	BURKE'S BACKYARD	(G)
9.05	EMTV TOK SAVE	
9.10	FRIDAY NIGHT MOVIE: "Young Guns 2"	(MAO)
10.30	HAWAII 5-0	(PGR)
11.30	NATIONAL EMTV NEWS	
	Replay	
11.57	MEDITATION WITH PASTOR WALO ARNI	
12.00	STATION CLOSE	
SATURDAY 21ST NOVEMBER, 1992		
10.27	STATION RE-OPEN	
10.30	SKY ROCK	(G)
12.00	WIDE WORLD OF SPORTS	(G)
4.00	GILLETTE	(G)
4.30	INSIDE BRITAIN	(G)
4.47	CHIN H MEEN SUPER-SOUND NEW RELEASE	
5.00	BEYOND 2000	(G)
6.00	NATIONAL EMTV NEWS	(G)
	NEWS	
6.30	HEY HEY IT'S SATURDAY	(G)

8.30	AUSTRALIA'S FUNNIEST HOME VIDEO	(G)
9.00	JAKE AND THE FATMAN "Your Driving Me Crazy"	(PGR)
10.00	MTV	(MAO)
12.57	MEDIATION WITH PASTOR WALO ARNI	
01.00	STATION CLOSE	

SUNDAY 22ND NOVEMBER, 1992

9.57	STATION OPEN	
10.00	WORLD WIDE OF SPORTS	(G)
12.00	BUSINESS SUNDAY	(G)
1.00	SUNDAY	(G)
2.30	INSIDE BRITAIN	(G)
3.00	SPORTS SUNDAY	(G)
5.00	BONANZA: "Caution Easter Bunny Crossing"	
5.55	CHIN H MEEN SUPER-SOUND NEW RELEASE	
6.00	NATIONAL EMTV NEWS	
6.30	WONDERFUL WORLD OF DISNEY: El Fego Bacca, Part 3"	(G)
7.25	EMTV TOK SAVE	
7.30	60 MINUTES	(G)
8.25	CHIT CHAT WITH SIR PAULIAS MATANE	(G)
8.30	SUNDAY NIGHT MOVIE: "Big Shots"	(PGR)
10.30	GUNSMOKE: "Hidalgo"	(G)
11.35	NATIONAL EMTV NEWS	
	Replay	
12.02	MEDITATION WITH PASTOR WALO ARNI	
12.05	STATION CLOSE	

## PNG TOP 20

AS AT 14/11/92

NO.	SONG	ARTIST
1 (1)	Iau Serious Tam	Telek
2 (2)	Betty Betty	Rabbie Gamenu
3 (4)	Namisali	Telek/Kuskus
4 (16)	Sila	Memehusa
5 (5)	Mi Save Wari Tru	Telek
6 (3)	Golden Pillow Tar	Alo Pops
7 (6)	Goi Vavine	Helgas
8 (11)	Vitolo	Henry Kuskus
9 (7)	Adisena	David Kurni
10 (8)	Na Ewari	Alo Pops
11 (13)	Atalex Bay	Kuskus
12 (9)	You Tasol	JR Kopex
13 (12)	Tura Lalokau	Memehusa
14 (19)	He turned My Morning	Sikal Kelep
15 (15)	Daystar	Loujaya Dunar
16 (14)	Meri Nipsco	Leonard
17 (17)	Take I.B. Car	Simon Tazzi
18 (0)	I'll Miss You	Louie Warupi
19 (0)	Ambai Kebara	Baundo
20 (10)	Misima	David Kurni

• Ratings based on requests on Radio Kalang and not cassette sales.







# MITSUBISHI



# CANTER



**Wok bilong traim Canter i bin kamap long ol ples nogut tru insait long wol. Na em i strong na sit stret — — — bilong yusim long Papua Niugini.**

PMV, TIPA, KARIM OL KAGO -  
WANEM SAMTING YU LAIK  
MEKIM CANTER I GAT  
KABILONG STRETIM DISPELA  
1.8 TAN - 5 TAN  
I gat ol 4WD na Twin Keb  
- Olgeta i gat tupela wil long baksait  
na i save ron long disil pawa  
Nambawan ka we i no gat hevi long  
Papua Niugini



*Draivim wanpela tude!*

For Reliability and "Technology you can trust"



# HEY



# TOBA MOTORS

PORT MORESBY PH: 21 7874  
LAE PH: 42 2611  
RABAUL PH: 92 1866

MT. HAGEN 52 1855  
KIMBE 93 5035  
WEWAK 86 2784  
ALOTAU 61 1246



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.